

畿輔通志卷二百四十八

列傳五十六 列女四 明三 河間 天津 正定

明

河間府

河間縣

寇璨妻董氏未婚璨故董欲歸養翁姑父母止之遂絕飲食

懣懣而卒寇禮迎而合葬焉

康熙志

柳大節妻魏氏未婚大節死及殯魏啟其父母曰今壻既殯

欲往送之父母許可比至觸棺而死鄉人哀之因合葬焉

同上

鄧節妻畢氏年饑攜家景州就食舅姑相繼亡節亦尋歿俱

藁葬景州畢時年二十三無子女獨歸里中忍飢凍晝夜紡

績積數年市地城北八里莊獨之景州負舅姑及夫骨還葬

明史歷數十年艱辛惕厲如一日年八十五忽覺身痛語族人

曰吾今得完所志矣遂不食入日而死康熙志

賈允吉妻黃氏吉卒孀居備極艱苦同教子太初成進士崇

正間建坊旌表府志

賈太初女康熙志崇正壬午之變太初讀禮里門身殉城難女

年十三抗節不辱與父同死李鍾儔節孝聞見錄弟孝廉雒英痛念前

烈為立石以紀之馮賁徵賈烈女記

李道基妾陳氏基無子乃更娶杜與李始生子二基病廢家

日落其妻于氏聽讒言使三妾嫁陳與杜李並以死誓乃陰

謀劫娶粹拽陳入輿陳自破其面投出事方急基姊聞之叱

眾退乃免三妾食貧益共勵志崇正壬午郡城破基被殺杜

李被掠不知所終獨陳先投枯井中數日兵退基姪覓得之

救治復活時杜李所生子尙存陳勤紡績以撫養之族人皆
憫其窮高其節且服其義郡人孫際昌爲立傳府志

楊如庭妻宗氏如庭家富而早亡宗能持之當明季歲大饑
郡數遭兵有婦人十餘爲賊掠而逃棄者流入宗氏里宗皆
收養之月餘使人裹糧還其家又爲食以救道殣其舉動慷
慨有俠丈夫風同上

柴時妻劉氏年二十七夫死子女俱無守節五十年卒康熙志

于斌妻徐氏斌故徐年二十六守貞奉姑以孝聞訓子鍾讀
書舉鄉薦

劉泮妻速氏年二十夫亡無子守節至六十餘歲卒

王紹妻郭氏年二十四紹故子培業甫六月守貞撫幼以終
培業廬墓哀毀過節以死詳見孝義

李重耀妻于氏嫁三載夫病侍疾廢寢食者七月卒不起乃

忍死以事翁姑立嗣以延似續又禮嫁其夫妹俱同上邑令牛

象坤旌之

縣志

李重華妻朱氏守節艱苦被旌

康熙志

戚通妻祁氏年二十七夫死家貧勵節撫周歲子守恩

康熙志作

守恩及長中正德庚辰武進士祁年七十五歲卒

縣志

吳殿妻劉氏自二十二歲守節撫三歲遺孤貧苦萬狀終無

怨尤壽八十一卒

康熙志

李文植妻林氏年二十六守節食貧茹苦撫成幼子年七十

餘卒

同上

薛尙智妻修氏與林同時以撫嗣守節

縣志

韓一經妻鄧氏經故無子姑孀居失明織紡為業事親撫孤

三十四年後嗣子介入邑庠知縣張汝蘊旌之康熙志

葛署妻孫氏早寡無子貧居紡績獨守五十年八十歲卒

王問策妻閻氏年十九策故守節五十餘載卒俱同上御史王

象恒題請建坊旌表縣志

鄧昆同上府志雍正志昆皆作晁妻楊氏以二十歲守節貧苦不移八十

四卒康熙志

辭自道妻郭氏道故郭年十九戚屬無依紉針自給伶仃孤

苦以終其身

劉鴻儒母趙氏二十二歲守節教儒成名趙年七十鴻儒復

故哀痛嬰疾亦尋卒

王廷耀妻張氏耀故張矢節教子讀書入庠

白一仕妻王氏仕故慟哭七日不食毀顏深居以節終俱同上

趙時卿妻傅氏年二十二而寡教二子成名府志

劉緯妻祝氏年十九緯亡守遺孤及娶又死長孫亦死次孫

三齡賴祝存撫以延宗祧康熙志

張躩妻陳氏守節終身甘心艱苦

李庭繼室靳氏庭老無子娶靳生一子名晚成甫八月庭棄

世族人利其產妒害百端靳辛劬保護其家得全以節壽終

傅應吉妻左氏二十一歲守節無嗣養奉孀姑紡織自給姑

死行乞諸親葬祭成禮俱同上

李元康熙雍正志同惟府縣志作李姓妻尹氏有姿容村豪郭世美伺其夫

遠出夜潛犯之尹疾呼比鄰美懼而逃明日尹持刀趨世美

家自刎死康熙志當道仇之議世美獄斃事在萬曆十六年縣志

白穎祚妻王氏早年無嗣繼子晉壬午城陷祚與晉俱死王

撫孫璞教養完節康熙志 璞亦善事之見孝義縣志

趙三聘妻程氏十九矢節事姑撫子歷四十年無懈康熙志 孫

璧為霸州學正縣志

王光輔妻樊氏夫卒撫孫有法歲壬午瀛城兵變與子宏基

毓基敏基俱殉難康熙志

高鑑妻張氏鑑死事衰翁汝貞最孝崇正壬午難作汝貞被

殺張蓬首垢面負席持帚覓屍於野七日乃獲涕泣跽拜收

葬於本瑩邑人重之同上

王光中妻楊氏楊壻女也以孝敬聞壬午城陷泣語夫曰城

破玉石俱焚妾甘一死以絕君念遂投井中縣志

左紹蘇府縣志同 妻馮氏夫亡撫孤自勵壬午之變前

數日遣幼子運遂之鄉避難馮獨居城及陷赴井死縣志

列女四

自啟妻張氏年十八孀居守節四十六年卒

康熙志

陳通妻趙氏年二十六守節孀居三十三年壽六十卒

許俊妻陳氏年二十四夫死守節至八十二歲終俊子瑄故妻王氏守節七十四歲卒姑婦雙節有司旌之

蘇昇妻胡氏年二十九夫亡無子守節五十餘歲卒

李景隆妻周氏年十九守貞孝親熲子爲郡庠生以壽終

王熲妻袁氏熲故守節撫孤舜卿年十六娶婦劉氏彌月而舜卿亦卒劉誓守志養姑四十餘年不渝其志姑媳同德節孝兩全

雷尙質妻黃氏年二十七質故無子女以姑老乃自存以代夫孝養歷三十餘年撫按題請建坊

提兆吉妻紀氏秉性貞潔動必循禮壬午城陷預投井死

樊良妻董氏年二十五良故誓死撫孤至六十三歲卒

朱偉妻李氏早寡守節四十餘年子尙質登乙未進士

孫自強妻溫氏子永年亦娶於溫兩世皆少寡同節被旌

樊資妻金氏早寡獨守一子方五歲終稱完節

蔣青妻金氏年十九守節清操皦然六十七歲卒

張鉞妻楊氏年二十二夫故撫育幼子孝奉孀姑織紵度日
守節四十餘年卒

許雲程妻樊氏年二十夫亡以翁逾七旬而身復懷孕未忍
從殉彌月舉子名繼祖無何翁死治喪成禮迨教子學成入
泮完婚樊曰吾所以隱忍存活二十年望汝克家也今旣遂
願可告汝父於地下矣遂絕飲食繼祖號泣哀勸竟不聽積
十日端坐而逝

白棟妻榮氏夫家素貧榮以紡績佐之孀姑失明敬事無缺及棟歿榮二十七歲矢死靡他苦守五十年卒被旌表俱同上

黃真妻朱氏生子鍾數月而真亡朱年二十二奉姑以孝聞

訓鍾讀書登宣德己酉鄉薦

康熙志府志此條縣志未載

案

謹案縣志載有孫灝女此條已采入天津府靜海縣河間

府新志雖亦收錄然註明後居靜海故又稱靜海人即其

守貞不字以終亦在靜海也此固未應複出特附志之

獻縣

李達妻張氏年二十六達死撫孤子殯舅姑守節三十五年

正統間有司奏旌其門

康熙志

郭朋妻劉氏宏治五年朋故家甚貧惟勤織以養姑知縣杜

珮島璞咸嘉其節孝月給粟米周之守節四十餘年卒

五節者邱希嶽妻陳氏弟希嵩妻劉氏希華妻李氏陳氏之

妹四姐及弟瓛妻呂氏皆單橋人正德中流賊犯獻境所至

驅掠婦女五人被驅相誓全節至滹沱河橋聯袂投水死知

縣杜珣奏旌其間俱同上初橋作於單氏故曰單至是易名曰

五節縣志陳石麟單橋五節詩遺烈何年事長橋我復過

神龜浮岸土哀雁叫滹沱魄冷三秋月心清萬古波芳

名傳少婦纓冕愧偏多千羣飲馬日五女駕鯨時碧水沈

香骨黃沙印畫眉殘碑風雨蝕青冢古今悲他日編明史誰

傳五節奇高鑑女二姐聘邱氏未娶為流賊所掠道經邱氏園乃給賊

曰此有一女甚美吾為汝誘之賊信之女入園縊樹下康熙志

孫佐妻翟氏有鬻布者宿其家明日誣訟其夫盜布官逼成

獄夫曰我良民今有盜名何以生欲自殺翟曰爾死則子女

誰育不若我死以白君寃明日赴縣訴至北橋遂自刎縣令

廉得真情寃乃白而罪誣者訓導程鑑書其事於石府志

呂耀妻唐氏年二十六耀卒家貧事親教子守節六十三年

終知縣張汝蘊請旌表

康熙志案縣志耀為主事乃朝官以唐氏未受封故得旌

李得揚妻胡氏夫以賈於臨清盜劫殞命胡號痛絕死時年

二十三子堯琴方周歲守貞教養至孫正華以選拔仕登知

府曾孫並以文武起家人謂苦節之報

盧九成

縣志同府志作成九誤

妻王氏年二十五夫故姑衰老子三齡

慟不能食者五日乃垢面敝衣以俟親終子立顛頓五十餘

年卒邑令徐鏞請旌之

劉子謙妻黃氏年二十夫故息弱族多強悍實苦凌逼氏執

節不屈者五十餘年知縣石維屏請於上旌之

呂種妻牛氏年二十一寡性貞淑能甘貧教子若孫皆有成

年逾九旬卒知縣劉重慶請旌

林涑妻韓氏年二十六夫亡奉親鞠子五十餘年里巷稱焉

與牛氏同時被旌

俱同上

李士經妻王氏年十六歸李二十四而寡撫子應先長亦死王子然獨處守志年八十五卒萬曆三十九年巡按御史

湯兆京奏旌其門

縣志府志康熙志

李士經妻王氏年二十夫亡子幼矢志苦節紡績以事舅姑撫弱息始終如一比二親歿典衣置葬哀毀循禮壽至七十餘卒知縣劉重慶請旌

府志康熙志

謹案此條姓名皆與上同惟年歲事蹟少異縣志只載前條府志及康熙雍正志皆兩見中隔數人今特連次之以

便參考

曹宏功妻王氏早寡家貧王善刺繡易旨甘以奉舅姑兼供

子館穀得為諸生歷節三十五年卒天啟四年旌府志

韓克儉妻李氏夫亡自縊救解得甦刻苦守節養親教子孫

枝競秀壽登八表康熙志崇正元年旌縣志

高年妻陳氏年早亡陳事姑孝教子嚴三子夢箕夢尾夢軫

俱有令名崇正戊寅邑中大驚城危甚時長子出仕陳命次

子傾囊犒士及城陷夢尾死陳自經年六十三康熙志

高夢軫妻劉氏年十四適軫未幾軫病卒姑陳氏慮其少孀

無子劉乃毀容翦髮撫姪為嗣歷四十餘年稱為完節

張起田妻牛氏少孀無子孝事翁姑邑人舉其節

韓謂性妻王氏年二十九守節四十三年孝慈兼至俱同上

樊某妻戚氏崇正戊寅兵至戚與兩媳兩孫女同時自縊一

門五烈府志無傳縣令吳龍見采而誌之

縣志

彭開宗妻陳氏戊寅城破開宗殉難陳聞大慟覆四歲子於甕下遂自刎未斷復自縊乃死夫弟毓宗館於鄉聞變乘亂兵入至家無人惟嫂屍僵繫牖上隱聞兒聲自甕下出啟視兄子也懷之以免

鄭永錫妻盧氏崇正戊寅城陷永錫死於兵盧聞痛哭投井死年二十有六

高醅妻王氏二十八歲守節至八十七歲卒

俱同上

魯應中妻林氏

獻縣新志林氏列祀於祠而府縣舊志均不載姑存以俟考

謹案縣志載有提兆吉妻紀氏且按云紀獻人已祀於獻祠其夫家居郡故府志列之河間今特從府志改歸夫籍

阜城縣

陸璠妻丁氏正統四年璠死丁年二十五專事紡績奉舅姑

以孝名守節五十餘年有司旌之康熙志

宗禮妻李氏生一子禮死家甚貧躬勤紡織孝舅姑守節至

五十八歲卒有司奏請旌表

錢鈺妻唐氏鈺死孝養舅姑教子瀾登鄉進士任工部司務

歷仕知府宏治十八年請旌

熊信妻金氏年二十信死止一女依夫伯母唐氏度日家貧

攻織以養教女甚嚴或勸以孤女宜愛金曰吾嘗受母教為

女能服勞後事翁姑庶盡婦道守節四十年卒被旌表

張鴻妻盧氏鴻病篤鴻母亟娶之盧過門月餘鴻故盧年十

九猶室女也姑泣欲嫁之盧以死誓而家貧親老惟織紉以

為養姑死出所蓄餘布以備棺殮又獨守四十餘年卒俱同上

曹端女春桃正德庚午遇流賊變李鍾僑節即投水賊急援

之迫令更衣女怒罵賊忿判殺之時年十五大清一統志賊既悔

曰此等貞烈女子我奈何殺之可惜時七月十三日也劉良卿曹

烈女嘉靖十三年知縣劉良卿立祠祀之大清一統志梅

祠記嘉靖十三年知縣劉良卿立祠祀之嚴曹烈女詩流水

桃花何處尋弓高城外樹陰森劍痕已雪春風恨潭影空澄

皎月心墜馬一軍皆露刃啼鴉千古動哀吟香魂便與梅爭

烈在是冰霜未敢侵涂應簧詩春色難留促去鞭天葩原

不受人憐拌教冷雨愁蝴蝶還勝秋風泣杜鵑流水孤村芳

冢在夕陽古木亂藤纏至今祠上登臨客論史猶懷正德年

伊汝儼妻倪氏年十五適儼康熙志嘉靖辛酉汝儼卒節孝聞

每一慟二三日不止嘔血塊積寸餘竟不食死府志有司旌之

與曹烈女春桃同祀立祠南郭題曰雙烈鞏邦固隆慶

鄭續繼妻白氏年十九夫亡撫前子杠安貧力織其伯受富

室賄欲逼嫁之誓死以卻杠長游庠亦早死撫孫本復入學

操守五十餘年卒

康熙志

錢敦樸妻邊氏年十六歸錢半載而寡無子女家綦貧性至孝守節二十餘年及崇正壬午兵難邊沐浴更衣拜夫與舅之神主曰婦今其以節終矣遂掩扉端坐城陷兵入厲色叱之兵不堪殺之

郭應璋妻沈氏壬午城陷沈端坐於室兵至神色不變但曰我讀書人家那得銀錢惟有一死耳遂被殺

郭應琮妻李氏壬午城陷援之上馬時乳媪挈幼子在側李呼曰孀母好撫此兒我放心就死矣遂大罵激敵頃刻尸碎李與璋妻沈爲娣姒時稱雙烈

倪秉樞妻張氏守節二十一年壬午之變抵死拒敵手傷賊面引刀刺死

陳新國妻王氏年二十七聞城陷牢拴門戶持刀以俟及夫
被執王奮力揮刀撞敵爲眾兵亂砍而死

俱同上

肅甯縣

任敬妻李氏夫卒誓不改適事舅姑以孝聞成化十六年被

旌表

康熙志

曹季妻孫氏適季一年夫卒無子孝事孀姑動遵禮度常哭
不輟遂至雙瞽年九十卒詔旌其門

李日強妻衣氏年二十三夫卒無嗣終朝號泣每朔望焚香
告天願求速斃不旬月病篤起曰吾志畢矣言訖而逝

袁岫妻王氏年十九岫卒遺子方孩翁姑憐其少諭令改適
王跪泣曰棄舅姑非孝拋嬰兒非慈忘夫君非貞如迫嫁必
死鄰豪聞其姿以金啖媒企得許之王知自縊以救得生乃

毀容課績盡孝撫孤萬厯間知縣劉光遠請旌

朱世祿妻王氏祿家貧惟恃織紵以供養給佐夫攻讀舉於鄉授廬州司理卒於官王觸棺欲殉既睹諸孤環泣長慟日誰與歸櫬撫兒者乃挽紼旋葬教四子皆入泮萬厯間旌

李廷材妻王氏年二十二夫亡子宗商方二齡恩勤鞠育每值令節輒不飲食閭里聞哭聲爲之罷賀孀守四十餘年卒曹鑑妻孫氏年十八夫亡後三月生遺腹子玕峻節自勵冰操凜然年八十九卒

曹恩妻高氏年十八恩卒無子惟日事紡績奉養翁姑勤苦畢世鄉里欽之

路瑣妻馬氏年二十夫亡苦節不渝竭情孝養四十八歲卒

朱啟穎

穎字避寫府志作啟祚

妻汪氏崇正壬午瀛郡陷汪聞投井旋

被賊引出抗節不撓冒刃而死俱同上

朱嘉運妻祁氏壬午郡城陷祁徐言曰吾年近四十罹此大

變生何為哉遂縊死營帥義之殮以棺且為葬具縣志

沈周南妻王氏壽百歲孀居六十年崇正初詔旌其門康熙志

任邱縣

魯雲妻吳氏年二十五雲卒無子父母欲奪之吳曰天可容

二日乎父母不聽私許於求婚者吳乃潛雉經於虛室康熙志

劉三妻田氏年十九夫卒撫遺腹子儼為庠生娶牛氏儼又

卒牛年二十三守節孝姑田八十三卒牛五十五卒

宋名妻顧氏年二十一夫亡無子守節孝姑至九十三終

閔彝妻張氏生子琦未周歲彝卒張年二十二矢志撫孤為

夫延後壽九十終縣志作九十九歲

田四妻黨氏年二十四寡子彖甫五歲紡織自給或憂其貧
黨曰生與吾子同居死與吾夫同穴志定矣貧非所患也苦
節益勵

李懋妻孫氏美姿容麗服飾歸懋三載生子女而懋亡孫蓬
首垢面宛若老嫗撫子克家內外嚴謹年九十餘卒

李端妻王氏年二十二端卒撫孫自誓全節以終

謝賢妻宣氏年二十六賢卒無子奉姑守節以終

韓富妻李氏隨翁任臨安教諭翁姑祖姑及夫相繼歿李扶
四柩歸葬得遺腹子傑復早亡艱苦終身無怨

韓志妻徐氏年二十孀居自啖粗糲而鮮旨奉姑人稱節孝
林時顯妻趙氏顯以貧外適久不歸趙及笄父母欲改議趙
泣曰許林久矣奈何爲不義未幾顯歸遂適焉三年生子潤

而顯卒趙年二十三撫孫以承夫志壽七十卒

崔永康妻閔氏年十九康卒無子閔留柩誓與同殯竟以悲

慟致疾與藥弗飲日死則事畢又何醫焉須臾氣絕俱同上

張斯文妻鄺氏年二十二適文期年文兄斯美暨嫂俱亡遺

三子文顧鄺曰三姪將孰歸鄺曰責在我撫愛甚篤未幾文

卒鄺無出或諷他適鄺叱曰使三姪失託不仁使泉下痛心

不義其杜乃口後為三姪娶婦及見曾元年九十餘步健目

明猶攻針指縣志

張紹妻鄺氏性雅重幼通孝經列女傳年十七適紹紹以會

試歿於京時子崇甫六歲鄺痛甚以遺書授之竟成儒業年

八十旌貞節康熙志

金鈇縣志 志鈇作鐵誤 妻鄭氏鈇早卒無子鄭哀毀逾禮藁葬

中堂期與同殯每奉香火鄰里輟歡年六十餘卒

康熙志

賴國寵妻韓氏無子有女周歲寵病革知不起囑以後事韓

痛幾絕引刀斷指以明心寵遂瞑目韓堅持節操年八十卒

劉佑妻董氏隆慶二年佑任石州巡檢秩滿同子洽赴省起

文董與十七歲女二姐在州適賊破石州董與二姐將髮結

結共抱投井死數日後有鄰婦逃回方指其所溺井撈出猶

母女相抱事聞上憲皆義之爲治棺給路費仍旌其節

康熙志

史文通妻李氏嫁四年而通卒止一女二歲甘貧守節以養

擇士人宋標爲壻教勸苦學得領鄉薦年八十五終從祀節

孝祠

馮源妻閔氏源早卒止一子閔痛哭幾死遂至喪明及子登

長娶衛氏二年登亦卒衛誓守育姑效死勿去每冬寒乏薪

臥抱姑足以溫之食必姑飽而後舉筋姑閔八十七歲卒
守節五十餘年壽八十卒有司屢旌其門同上

劉珏妻蘇氏年二十六珏卒撫孤棟嚴教向學登甲第每訓
以清廉守官無玷名節出爲知府及歸囊空無蓄未幾棟疾
卒子女俱無蘇慟極日艱苦五十餘年爲延劉後耳今已矣
婦呂氏亦哀呼天不祚劉乃至於此何以生爲姑媳遂相繼

而歿邑令悲其一門清節爲請旌焉

康熙志
縣志

邊湘妻林氏年二十二湘卒無子女家素貧攻苦茹淡針紅
自給終身足迹不出戶七十一歲卒有司旌之

康熙志

郭應兆妻閔氏年二十四兆卒無後慟哭絕粒不令發喪請
少待乃擇族姪立嗣及窆期竟以哀毀成疾卒

同上

邊佐妻陳氏年二十四夫亡無子欲以身殉父母防之不得

死飢寒自勵人所難堪年六十五苦節以卒被旌

雍正志

周文魁妻王氏年二十七魁死一女四歲其翁素褊很逼王改適不從乃盡奪其家產而逐王於外王有孀女吳氏既老且貧乃攜女就居母先死王年八十死無棺斂以土拵之數年鄉人憐其節爲改葬焉

同上

劉宗道妻李氏年二十五夫亡誓與同死父母勸且防之不得間乃日夜悲泣嘔血三月卒仍與宗道同日合葬

康熙志

劉權妻韓氏年二十六權卒止遺一女家窮甚翁姑欲鬻女以資生韓泣曰權不幸先父母死今并棄其女堂上朝夕何以爲情婦願以力養耳乃早夜勤作減己食以奉親邑令顧問聞之給米優恤翁姑卒殯葬如禮年七十餘卒

宋寬妻于氏年十七嫁婿及翁姑皆不賢于累承嚴譴無怨

色未二年寬死無子女翁姑令改適不從乃密受人財禮誑逼之于聞自經死邑宰旌之

陳謨妻張氏適謨四載無出卽爲娶妾杜氏周氏杜生一女甫二月而謨亡時張年二十六與二妾誓同守節杜潛自縊死周以哀病尋卒張痛念女無歸遂閉門教撫及長出嫁又早夭凡歷艱嘗苦六十年八十五歲卒

賴承謙妻趙氏謙病危謂趙曰家無恒產終鮮兄弟吾又乏嗣良苦父母耳趙泣曰是何言脫不諱責在我謙遂卒趙績紡養親粗糲自厭翁姑卒鬻釵營葬士論嘉之

龐奎妻劉氏龐桐妻王氏妯娌也奎與桐俱早死兩人同節撫養遺孤針工所得爲子延塾各知自立二氏俱享高年劉八十三卒王八十五卒邑令旌之

杜廷綦妻張氏綦早卒遺子濟甫六月張茹荼撫孤篝燈課讀後濬領鄉薦知絳州張守節四十五年七十三歲卒

曹一鵬繼室謝氏年二十夫病致仕歸卒謝布衣糲食奉養舅姑以壽終其前妻遺子方五歲謝曰吾所以自存欲延此一綫脈也撫育勤劬迄於授室三十年高節傲然

王守廉妻劉氏家徒壁立惟勤績以供養膳廉苦學中夜劉操女紅以伴之而久不第鬱悶成疾卒劉年二十六遺孤維住八歲維屏六歲維新六月守志教養三子相繼入泮年六十餘卒邑令旌之

邊沐妻郭氏年十七適沐生一女沐因父歿哀毀邁疾諭郭曰我死老母無依幼女誰撫郭曰妾亦當死君旣不瞑當留養姑沐卒郭勤紡典衣盡心甘旨不踰年女死奉姑益謹及

姑卒殯葬遂號痛辟踊而氣絕守志養姑者二十餘年

馮三謨妻謝氏適謨時姑病疫謝同夫進湯藥親祈禱姑竟卒謝與夫亦俱染疫夫又殞時謝年二十四有三歲女六旬翁乃忍哀操作以養舅及繼姑不三年女殤舅姑又繼卒謝悲痛致疾而歿苦節二十餘年

張熟妻章氏熟卒遺女五歲章誓殉夫匝旬不食雖幼女孺戀弗顧也竟哀痛俄踣而死與夫同日而葬邑令旌之

胡守寅妻閔氏未婚寅得癱疾自知不起使人辭婚閔聞而泣曰吾已許字卽胡婦也倘得侍疾異日相從地下實所甘心遂適胡典妝延醫夫臨危泣曰我死汝必死堂上將何賴閔泣曰敬留殘喘以奉衰姑遂爲夫立嗣勤績孝養三十年

邑令旌之

兼盡強鄰侮奪終莫能搖撫孤入庠有司旌獎

郭遵妻胡氏年二十五夫卒雙親衰邁遺孤二齡守節閱四十年殯葬翁姑教子娶婦家賴不墜兩院旌表

于謂妻鄺氏年二十謂亡遺子二長甫二歲次未一周家貧鬻己衣物以葬夫孝事孀姑教子誦讀長那珍食廩次萬搖鄉薦年逾八十卒

祝房妻王氏適房逾年房卒遺孤方二月斷髮自誓養姑與繼姑皆生死盡心子永居爲庠生養居五十餘年卒

孫繩武妻馮氏年二十一夫卒止一女值翁遠宦滇南家留衰姑少妾幼弟六齡形影相弔無何姑歿馮與翁妾共保幼

弟及翁解任病歸妾亡翁逝一綫孤緒賴馮存焉

張德潤妻閔氏年二十夫卒惟一女方晬煢煢撫育而篤孝翁姑事繼姑尤謹奉養四十餘年鄉里稱之

謝文燿妻王氏年十七生子周歲夫卒絕粒求死姑勸以守養遺嬰旣而姑得奇疾王祈天願以身代病旋愈且敬事夫之孀姊養育諸姪之幼孫者人咸稱其仁孝貞節

鄭煜妻李氏煜世業凋零早卒李瘠毀營葬翁年屆古稀無弟姪可倚李孝事備至苦守幼孤學成婚娶又不幸故遺一孫乳哺鞠育艱苦一生七十五歲卒

謝文焯妻金氏年十八焯卒遺子襁褓未幾復殤痛不欲生姑泣亟爲置嗣乃含飴以奉姑壽及九十孀居孝養之報也邊杲妻郭氏嫁一年而杲卒姑因貧窘諷令他適郭惟求死乃已足不出戶糠覈聊生苦節五十年終以七十歲

顧民懷妻武氏早寡家貧無子女誓身殉方葬夫時躍投壙
中求死爲眾救甦竟以撲跌致殘廢臥啖歷有年乃卒

李雲鵬妻金氏年二十夫卒無出與孀姑同起居朝夕饗殮
皆手具姑婦相依誠孝貞操終始無間

宗楷妻高氏年二十六楷卒不醮孝養老姑撫育孤兒歷節
四十年如初志

金守妻田氏年二十二夫卒家素清貧一女兩歲守節紡織
以事親奉繼姑益謹有母姨爲富室謀婚田唾其面終身不
見年踰七十卒

李禹妻羅氏年二十二夫卒家貧苦守撫孤長成娶婦羅氏

二年子懷亦故有遺腹生孫姑婦同撫紡紉爲業羅氏八十

二歲季氏七十三歲相繼卒

閻二姐貧女於田拵菜惡少黃旺豔之欲強犯以非禮閻極口罵詈縱手批擊旺怒持鎌殺之旺後正法而閻烈以彰

殷相繼室吳氏生二男一女而相卒吳年二十一勤撫諸孤

備極艱苦入十九歲卒邑令霍公申請建坊俱同上

龐招俊繼室曹氏明末寇警家修土窖以藏婦女賊至為無

賴族子所指發曹氏被執令入營造飯曹大罵賊怒繫於室

而焚之並殺族子乃去府志康熙志案此條並下一條縣志皆未載

路守洪妻高氏戊寅兵亂同兄女被掠入營高遇鄉人同難

者告以祖父姓名曰寄聲我家當於此覓吾姑姪屍也遂入

營帳伺間取刀先殺姪女即自殺鄉人語其家取尸而還同上

閔宏焜妻某氏縣志失其姓崇正戊寅之變抗志殉節案此條縣志附載

國朝列女閔灝妻章氏傳內今據其實殉戊寅之難特列明季

交河縣

温三姐

康熙志

泊頭鎮温欽第三女年甫及笄未字正德六年

突有流賊蹂躪至鎮眾皆竄去女偕伯母劉氏及里人爲賊

驅至西郊楊鶴壽園

陳相温烈女祠碑記

其凶渠見女姿容迴出流輩

卽挾刃威脅意可懾使從也

孫孝徵温烈女遺行考

女大罵曰賊奴敢

犯我耶賊屢窘不從會官軍迫追將女擄馬上輒自投於地

復擄上馬解帶縛之女投地不得以手反掣扶傷賊一目

李鍾

僞節孝

睛突出賊痛甚怒截女十指劈女面斷女肩磔之而

去旣而官軍追至賊盡殲焉

縣志

嘉靖元年詔諸爲賊殘磔及

殉節者並與旌有司始建祠祀之女死時年十五

府志

萬曆丁亥馬

中良祭温烈女文嗚呼偉哉節義攸關士猶不易女死尤難

彼温之女以死自決手刑虜目代天之罰女舌猶存罵虜不

折虜不可謂遂加以磔女死愈生千古名烈彼温之女獨子

秉彝血化爲碧氣結爲泥俎豆香浮惟女之祠女有淑靈尙

其饗之

苟文魁妻楊氏魁死楊痛哭絕食跪死於夫柩之前

康熙志

任傑妻高氏年二十四傑死子道進三歲苦節堅持

同上

家童

過十歲不令入宅不履大門不往妯娌家教子為邑廩生邑

令吳尚文請旌且為文以表之

縣志

姚佐妻高氏後姑暴甚高曲意承之佐死無子時年二十二

家益貧惟與婢以紡績為生婢感其義夫死亦不嫁

康熙嘉志

靖間有司旌之

縣志

王增妻楊氏年二十七增卒守遺孤清及長娶婦馬氏生三

孫清又卒馬年二十八姑婦雙節俱以壽終

康熙志

段茂妻楊氏茂卒楊年二十餘撫子師賢從軍陣亡復撫孫

文禮孀居五十年傲然高節

吳從周妻趙氏年二十七夫故子守性五歲勤苦自安訓子
游廩邑令旌之

吳東周妻尙氏年十九夫死子鳳翔甫三月舅姑俱無產業
零落尙堅守撫孤以承宗祀嘉靖萬厯間累旌其門給予侍
養舉其子充附學生

常自愛繼室牛氏年二十八愛故守志撫前子成立被旌
高甯妻王氏年二十九甯卒貧甚紡績度日守一子逵娶杜
氏逵復故杜如姑孀居守一子錦娶李氏錦又歿李亦立志
守二子三世貞節當事褒嘉

魏卿妻孫氏年二十二守節撫孤孝親不廢先業

王道東妻張氏年二十六夫死家極貧惟以織繡爲生遺孤
三歲卽命名曰守節勉事衰親竭情盡禮屢承旌獎

常國相妻余氏年三十夫故子女俱無孀居至五十二歲卒
鄉耆公舉得旌典

宋偉妻邱氏年三十偉故遺子鐸方幼邱終身不飲酒茹暈
勤儉持家次第贖夫鬻產豐養衰翁賢能並著年五十八卒
萬厯間巡按御史奏旌

滑守先妻常氏守先幼孤育於祖廷獻者年多病常歸先侍
湯藥不倦越二年生子登又二年夫歿絕粒七日又三歲夫
弟守道死遺姪女亦屬常恩養時廷獻傷兩孫繼亡家徒壁
立愁深病篤而常之奉事無少缺又六年廷獻八十九始卒
典奩成喪迄天啟五年常年六十七有司請旌建坊

謝仲仁妻劉氏年二十九夫死家貧子幼辟纊自食雖至戚
不輕見子長娶婦治家綦嚴守節五十年終俱同天啟六年

邑令旌之

縣志

謝應時妻馬氏年三十夫死遺孤方齠齠族人利其產百計

傾謀而馬堅貞益勵教子食廩克振家聲崇正十一年馬六

十餘歲知縣馮盛舉題額以旌其門

康熙志

王一魁妻張氏年二十八魁死遺孤璧周歲食貧教子百苦

不辭璧亦警悟遵母教補弟子員孫菽蕃衍皆張之賢德所

培也

府志

崇正間公舉旌獎

縣志

蘇可大妻張氏居泊頭鎮崇正十五年大兵至張棄二子令

逃攜十二歲女投井而死

府志

案此條與上王一魁妻張氏府志縣志皆載入

國朝今特

據其年代改列明季

蘇光大妻尤氏明季流寇自山東來攻破泊頭鎮尤率二妾

張氏畢氏潛匿樓中賊攻樓甚急尤泣日夫子中年無子若

其延一纜乎下有地室可藏猶愈俱死也賊焚門入尤死之

既而投甄下搜見二妾將掠去二妾罵不絕口奮力挾賊一

日出賊揮刀兩磔之府志案此條縣志未載府志列在國朝蓋以光大後於順治辛卯曾中武

舉故耳然其妻妾實死明季之難固宜分別論列

孟兆祥妻呂氏祥官刑部右侍郎甲申賊薄都城祥守正陽

門城陷祥自經於門下呂聞亦同日縊死明史孟兆祥傳案呂氏康熙志府

志縣志皆未載惟明史及大清一統志皆附在兆祥傳內茲摘出補登

孟章明妻王氏章明即兆祥長子王氏其冢婦也甲申三月

闖賊陷京師十九日辰時家僕奔告章父已殉節至正陽門

章大慟向南叩泣曰事急不及棺斂即當相從地下矣王氏

拔而泣曰夫死忠孝妾當先夫死節章長歎曰能如是乎吾

復何憾援筆書一絕日不戀身家不愛錢行乎患難亦安然

忠臣節婦同明志仍結來生未了緣題畢縣志孟章明傳乃投繯於

父之側王氏與姑呂相向哭曰彼父子死忠矣我二人何生

為皆自縊明史孟兆祥傳案王氏縣志僅均見章明傳中而王之母家在東光東光縣志備載今改正有

左氏者孟章明家之僕婦也見主母呂氏王氏皆縊死遂亦

同縊於側縣志孟章明傳王魯濟義烈左媪詩孟賊鴟張

甕門頭搶雉凶聞到家聲大哭中堂主母明義理殉忠殉節

兩求全痛殺旁觀僕左氏國破主君無所歸主亡吾僕將安

隨太夫人下夫人縊媪當更侍夫人側稽首夫人在天靈天

路穹高不易行待媪扶掖如階升回頭取帛環向頸報到媪

來須立穩悲風一縷涼無影噫噫乎

康成詩婢穎士奴方之左媪當如何

甯津縣

楊時妻杜氏年二十無子夫歿堅貞自守嘗有白鳥棲於庭

槐人以爲天表其潔云年八十三卒康熙志吳名鳳楊節婦詩隋隄柳色驚秋早

胡蘇河斷生秋草孤鴻叫夢下瀛洲黃葉敲門散啼鳥啼鳥

無聲星亦稀篝燈半夜獨鳴機不推織錦回文字不續離絃

寡女絲絲皎潔如霜雪十丈飛塵福不溼人世徒憐鶴髮
新天心已感烏頭白君不見庭前一樹槐陰圓白烏矯翼巢
巔其

邱一哲妻尤氏年二十三哲亡無子孀居六十年節行凜然
人以女丈夫稱之年八十五卒

康熙志

潘洪妻崔氏年十六歸洪三年洪卒無子孀居四十餘年節
操如一

方進貴妻楊氏十六適方四年貴卒無子慟絕欲死會有劉
姓者通媒舅姑欲強嫁之楊偽許諾閉門自縊死

孟隆妻楊氏年二十三夫亡子節六歲楊守志奉親存亡之
禮皆無遺缺教子承家孀居五十年七十餘卒

楊淮妻姜氏年二十餘淮卒子甫二齡攜持長大娶婦生孫
而甫又卒姜撫孫延後機杼辛劬苦節至八十五歲卒

蘇萬張妻張氏性貞靜以孝敬聞正德辛未值流賊劉六劉
七之變與村婦羣匿柳叢謂羣婦曰倘遇賊非死不足明節
非大罵恐不得死無何賊蹤跡至張盛氣怒詈賊忿甚割割
極慘死明年賊又至萬強率壯者持挺禦之連斃數賊力鬪
而亡遺二子親族共撫成之至曾孫騰鳳登順治己丑進士

詩書繼世咸以為節義所培云俱同上 俞震蘇張節義行

京師既戒嚴轉掠入鄉里臨津有蘇公其妻為張氏與眾匿
柳叢抗言陳義理非死不明節非罵恐不死無何渠魁來果
詈而切齒口伐以當誅蹈刃甘相抵偉哉夫亦良制挺乃可
使豈惟復家仇且欲灑國恥殺身竟成仁夫婦義與比竭來
三百年俎豆馨桑梓秋風又涼矣盍監鬲津水

景州

胡山女許聘劉茂正年十六未婚正德辛未霸州流賊劫掠
猝至瞥見女豔之欲誘以行女罵曰我良家女豈狗類匹耶

賊猶不忍殺女罵益急遂鬻割之

康熙志

張雲乾妻趙氏年二十餘夫亡無嗣家貧孀居四十餘年清操彌勵卒年七十一

高啟妻趙氏啟卒遺孫美五歲家歉躬任紡績事孀姑育幼子苦節五十年克守世業

王之畿妻韓氏夫婦年俱少畿病死二日韓亦縊死

張燦妻周氏燦死周絕食數日以殉與夫同日葬焉

李桂妻姚氏年十六生子三月夫亡孤寡單寒卒以節著

段縞妻張氏年十七生一女而縞亡守節四十年卒被旌表

高依仁妻張氏年十七仁死男配乾周歲兩親皆慮其少張曰今日苟存爲此兒耳教之成人至八十二歲卒

馬任政妻楊氏孝事翁姑家徒壁立年二十四而寡屢遇兵

荒姑病翦髮易藥姑歿典居殯埋歷五十餘年子孫日盛

王高妻薛氏年二十三而寡有兩子一女俱幼繼姑逼令改

適加以非禮而薛百折不回姑怒逐其母子於外備歷艱辛

終無怨悔至八十歲卒

吳長策妻高氏崇正十五年兵變策被獲不屈遂遇害

俱同上

其妻高亦被擄厲罵怒兵立殺門首

府志

其妾亦高姓遂給之

日吾財物俱埋園中願往共取及至乃投井而死

州志

司焜妻陳氏年十五適焜三載夫亡遺孤一歲矢志守節歷

三十九年後子時泰入州廩

州志

陳振希妻石氏年二十四夫亡遺孤纔八月值歲大饑誓以

死守伯兄重其節常賙濟焉教子承家壽至六十九

張脫常繼妻馬氏年二十一常卒無子前婦子九歲馬守以

爲子恩勤臻至年六十餘

張際可妻趙氏年十六夫亡孤子甫六月自誓不出中庭歷五十三年始終完節

崔謙妻孫氏嫁未三載謙亡無子守節事親年六十餘卒

范省身妻張氏范亡張年十九子仲韓在襁褓家甚寒張鳴機佐養茹檠撫孤及韓入武廩復卒乃守幼孫年七十餘卒
張穎妻車氏性端嚴寡言笑年二十一穎故家貧子穉織以餬口善事翁姑里黨稱之年踰六十

蘇永年妻崔氏年二十夫亡子公式尙幼庶子公慎公遜皆孩提崔愛逾己出嚴教之以成名勤儉潔守厯三十年

李守良妻孫氏年二十六良亡二子俱幼翁老孫極盡婦道
長子旣娶復亡遺孫三月又撫養成人至七十九歲卒

李宗舜妻王氏年二十八而寡翁老在堂子弱在抱家無儲
粟紡績聊生值歲凶常累日不舉火無怨色年七十八歲
倪毓德妻蘇氏年十九歲倪故死於兵無子女誓願爲夫事
親舅歿奉姑愈謹同張恂爲作苦節吟

高雲臺妻蘇氏二十八而臺亡遺一女及笄贅壻高三樂未
幾樂亦亡生子開泰母女同心苦守俾泰長成立後蘇壽七
十八歲女亦孀居四十年至五十七終

趙維緒妻蘇氏緒歿於兵蘇年二十九子幼艱苦萬狀守志
三十餘年卒

焦一舉妻高氏二十七歲夫亡子幼苦節四十餘年卒

蘇繼宗繼妻景氏年二十八蘇故遺前室子旭景愛撫之比

長授室教以持家歷苦節者四十餘年

俱同上 以上十五條皆按州志依舊入

明季

王炳然妻裴氏翁姑雙瞽裴焚香禱神復明咸謂孝感夫死

京邸無子裴撫柩慟哭步行至家州志守夫家法不軼尺寸府志

守節至七十餘卒康熙志

張松繼妻李氏年二十三夫亡松寡兄弟李撫一子成穎周

歲閨門肅然有如嚴父四十四歲卒州志

張萬鍾妻徐氏年二十九鍾亡孤培真方三歲守節訓孤後

舉孝廉孫衡鎰俱登科五十八歲卒同上

張克紹妻蘇氏雍正志年二十餘夫亡家貧婁守一子漸苦節

四十餘年卒州志

劉三畏繼妻于氏三十而寡遺孤二長勸九歲次勃六歲條

理家政訓誨二子苦節三十七年

張燾妻趙氏崇正九年燾被害趙年二十四苦節以終

聶爾進妻乜氏少寡守子夫才甫三歲後爲夫才娶韓氏生孫之柱一歲而夫才復亡也與韓同志守孫歷四十餘年以壽終鄉里稱爲一門雙節

李運開妻劉氏年十八生子夫亡母與姑憐其少微諷之劉懼投繯己死救之復甦乃躬操井臼苦節四十餘年

趙遵譜妻曹氏二十二歲譜死曹奉姑色養撫孤有方守志三十年卒

趙基妻宋氏崇正壬午基抗節死宋抱二歲孤尋夫骸於兵燹中扶櫬歸葬聞者傷悲苦志以歿

王崇德妻杜氏素性貞靜識大體崇正壬午城陷偕夫肅拜家廟聚薪縱火攜手入烈燄中殉焉

張演妻施氏名妙蓮年三十演亡子松四齡奉姑姜氏極孝以族姓孤單勗其子好善樂施迨姑歿哀毀成疾竟不起姑年八十餘施年六十三至今相傳爲眞婆媳云

俱同上

張驥妻封氏年二十八夫亡矢志撫孤紡織自給以壽終

州志

孟英母凌氏少適英父謹修婦職舅性嚴急凌於飲食衣服必親具二十餘年無稍懈門內肅然畜下以恩誨子以義生

平未嘗有疾言厲色

續州志

張坦州志案康熙志雍正志坦皆作垣府志既載張坦又錄張垣重出尤誤年二十二夫亡無

子惟撫一女事親盡孝舅歿守喪尤謹每令僮僕輒垂簾孀

居三十餘年罕見其面者

康熙志

王梓妻紀氏雍正志早寡事孀姑撫孤子守節終身

府志

吳橋縣

張本妻許氏生子玉方幼本死許年二十三紡績訓讀後玉

成進士爲御史詔旌其門

康熙志

周賢妻吳氏生子尙文賢死吳年二十四訓子篤學貢入胄
監授知縣吳年逾八旬以節終

祁果妻陳氏年十九夫亡無嗣有姿色人競慕之陳恐遭無
賴遂削髮毀容自守至年七旬卒完其節

郭經妻孫氏年二十一夫故無子其姑私受人財欲令改適
孫執死不允姑以忤逆訟於官縣令李欽廉得其情申斥其
姑而嘉獎許使得守節至七十餘歲終

俱同上

趙見妻陳氏正德間流賊劉七掠其家見氏美欲犯之氏怒

罵衆賊強逼氏罵愈厲賊怒支解之

大清一統志

馮紀妻趙氏年二十七紀死遺孤自警方幼趙備針以哺及

警長娶婦王氏生二子警亦死王年二十四歲與姑趙同志

守節終身撫按旌之康熙志

馬蓮妻范氏連死范二十歲子方二歲連遭兵燹家事寒微

蔬食不繼康熙志惟苦教子讀書入邑庠歷節五十餘年卒縣志

周本順妻張氏順死張年十六翁念其少且家貧欲嫁之張

剪髮欲為尼父母憐其志於宅旁淨室鑄佛像以為焚修縣志

張居之數年而坐逝康熙志

趙存仁妻李氏仁死李年二十一縣志家貧無子躬操井日姑

病痿疾不能動履李抱持上下備極艱苦洵稱節孝康熙志

李如鴈妻郜氏年二十五鴈死家貧子幼備極艱難康熙志郜

每日必焚香誦經卒以節著縣志

王汝欽妻邵氏年二十七夫故遺子一洮娶婦梁氏而洮亦

亡時梁年二十四事姑極孝姑晚年久病梁為撫摩祈禱累歲不懈生子穎長穎亨穎才長領乙卯鄉薦仕至河南守道亨才俱為邑庠生又邵氏女適陳志遠年二十二夫故守節

以終巡方便王公奉旨旌表為立三節坊

康熙志縣志

劉駿烈妻李氏年十九夫卒守節事姑以孝聞建坊旌表

縣志

王世德妻范氏名景姁文忠公景文妹也德以應試卒於京

邸時范年二十四聞訃慟不欲生遺孤錫方在抱父母泣諭

以撫孤為重乃自授句讀范幼通經史知大義兼工書畫嘗

手繪大士像精妙邁倫

縣志

又善吟詠著冰玉齋詩草若干卷

王漁洋池北偶談載之以為閨閣詞宗一時柏舟自矢闔政

肅然以避亂卒於兄文忠官邸文忠為撰志銘

府志

萬桂妻劉氏桂卒劉撫孤子邦傑游成均孀居四十年終

同上

劉變化母陳氏祖母于氏曾祖母張氏皆少寡惟于氏所際

尤難上事孀姑下撫孀婦三世苦節詔旌獎之

康熙志

李雲蒸妻戈氏崇正十年雲蒸殉國難戈亦抗節不屈死

張之綦妻郭氏綦博飲無行偪郭失身郭忿恨自挑其目綦

猶偪不已郭恐不免遂投繯死

俱同上

故城縣

劉鉞女若蘭嘗納采某氏某家貧避地遠去十餘年不相聞

後鉞亦貧富室顧某慕若蘭姿欲納聘蘭聞自縊於室母奔

救得免開諭百端不聽旋託沐浴閉門自剄死

案康熙志作自經縣志作

自剄據孫緒輓詩有邑人馬瀛為立傳

縣志孫緒烈女劉若蘭詩嗟吾父噫吾

母胡使顧家郎委禽結非耦嗟吾母噫吾父但願兒有歸不

念兒心苦兒今斷瑟悲孤鸞鏡臺雲破燕支寒不挈羅敷桑
下籃晶波愁翦雙闌干漳河東去綠千疊血刃鴉
鵝濺冰雪父兮母兮兒奈何幽蘭香冷秋風多

孫惠妻盛氏年二十四惠死閉門紡織撫育二孤守志至七

十餘歲卒奉詔旌表

康熙志

鄭昕妻扈氏年十六守節撫孤謙亨娶婦李氏謙亨病故李

守志養姑詔旌雙節各優免地一頃

縣志

李宇妻秘氏早寡孝事衰姑撫幼成業志節堅苦

康熙志

李恩妻趙氏守節六十七年辛苦墊隘至九十八歲卒

李爾馨妻門氏少寡堅守繼嗣以完節御史旌之

劉九思妻丁氏年二十五夫故遺孤四歲機杼贍生服勞奉

養及子殤益專勤竭孝始終無間

石翼妻任氏年二十四夫故撫孤堅守衣穿食缺淒楚四十

年凜然完節

周喬妻趙氏年十六夫亡無子矢志守節以幽傷卒

萬化行妻陳氏年二十二撫孤守業有貧苦不堪者人以爲難有司旌之

沈洲妻王氏年二十二洲卒勵儉持家克勤教子年百歲卒

俱同上 縣志
作九十五歲

刁可法妻劉氏年二十二法卒挈幼子事孀姑零丁艱苦節

操矯然知縣顏令旌其門

縣志

尹大政妻王氏嫁甫期而寡年十六矢節事姑以孝稱

康熙志

張克昌妻王氏孝姑撫幼貞節可矜

府志

刁可嘉妻黃氏撫養幼子艱苦不渝以節終

康熙志

李緒妻何氏年二十五夫故遺二子撫成之長自立娶魯氏

無子仲自茂娶某氏生子貞周歲夫婦雙亡自立亦故魯誓

與姑同節後貞入邑廩何年九十六魯年七十九相繼卒稱

雙節焉

秘養邃妻翟氏崇正辛巳兵變驅之從行抗志不屈須臾投井死

郝允昭妻張氏以賢孝稱戊寅兵變匿土穴中被發堅拒不撓遂被殺

俱同上

謹案府志雍正志尙載有劉清漣妻王氏劉維忠妻王氏但漣妻實歿於順治十年忠妻更歿於康熙初年當依縣志列入

國朝茲不複載

東光縣

李志學妻王氏年十九夫死上無翁姑下無子女煢煢子立

甘貧守節四十四年卒

康熙志

柴友檜妻孫氏年十八夫死無所倚至不能舉火勵節尤難

明末寇亂孫投河死越日尸出衣服紉固顏色如生府志

侯朝彥妻苑氏年二十夫故父母欲令改適苑剪髮塗面雖

屬至親罕覩其容紡織自贍年七十五卒康熙志

陸焯縣志府志妻姜氏年二十三焯故有遺腹子代夫

事親操井臼以供甘旨親蠶桑以備束修孀居四十餘年禮

防自持洵稱完節康熙志

吉朮妻竺氏年十九夫歿有遺腹家無寸土恪事舅姑厥後

子孫蕃衍家業頗興壽八十餘卒同上

陳居妻李氏年十八夫故守節孝姑訓子壽七十卒同上

張鉞妻柴氏夫故奉翁姑飲食醫藥必親教子入庠婚葬捐

貲讓翁遺產奉旨旌表縣志

于三畏妻袁氏年二十一夫故姑病子孱艱苦守志歷四十

年有司旌表

康熙志

于三省妻金氏年二十三省故與三畏妻撫孤同節

趙德妻晁氏夫故無子翁老族人咸欺侮之晁買一婢進之

翁不納晁跪請曰翁雖老婦不便近前願留此女翁強納之

久而有孕生一男晁撫育教訓遂延趙祀

俱同上

吳邦儒妻韓氏年二十夫故矢志守節荼苦終身鄉黨稱揚

年八十四卒

縣志

閻有俊妻崔氏

康熙志同雍正志作劉氏

二十四歲俊故孝事孀姑嚴訓

二子躬親緝績歷節五十餘年有司旌之

縣志

趙時顯妻杜氏

康熙志

年二十夫歿矢志撫孤羣欽完節

縣志

孟思德妻劉氏

雍正志

年二十三夫卒苦志甘節縲織度日撫

姪如子教之游庠奉旨旌表

縣志

天津府

天津縣

倪旺妻楊氏年十九旺故守節無玷六十八歲卒

康熙志

紀銳妻佟氏年二十二銳故佟守節素服終身五十二歲卒

楊潤妻劉氏年二十而寡子檜方一歲事姑以孝教子有方

年六十四卒

同上

張翔縣志同康熙志河間府舊志作孫翔妻王氏年二十三夫亡上無舅姑下

鮮兄弟理家訓子以賢見稱卒年七十一

雍正志

孫佑妻唐氏年三十佑卒悲痛不食月餘而死

康熙志

何昌妻王氏年二十昌故有求配者引刀刺面誓死不變年

八十六歲卒

馬綸妻朱氏十九而寡撫幼子瀾成立娶婦康氏年二十三而瀾又亡姑婦同守節年各八十餘歲卒

李天秩妻章氏秩故章年二十七父母欲奪其志斷髮不從齋素孝養姑歿哀痛成疾而死

同上

李實妻吳氏年二十五實故撫孤無玷七十五歲卒

雍正志

張和妻蔣氏年二十七和故撫孤食貧人欽其節七十歲卒
孫能妻朱氏年二十七能故守服不出閨門哀毀踰禮及除服日閉門飲毒自盡

徐榮妻鍾氏年二十七榮故子綱三歲家貧以耕織爲事清節凜然卒年八十八

倪通繼妻李氏治家無私夫亡產業悉讓前妻子雄祀先必齋戒待親族妾媵皆有恩

呂巖繼妻楊氏撫前子昂甫三歲愛逾已出婚娶以時人以慈母稱之

李柏妻賈氏年二十四柏故撫孤無玷卒年六十五

馬馭貴妻佟氏年二十七貴故撫孤成立年六十卒有司給匾以旌

盧鴛鳴妻杜氏年二十六鴛鳴歿於王事撫四歲孤邦靖教

養成名撫按學三院旌曰貞節可風六十六歲終俱同上

孫恕妻王氏年十八恕故無子事姑克孝姑死殯葬盡禮年

五十九卒康熙志

謝芳妻倪氏芳故倪年二十四撫子事姑備盡慈孝年七十

五歲卒同上

費宮人天津縣費家巷人也

續天津縣志費宮人祠在費家巷即宮人舊居也鄉人就其基

址立祠
祀之

德容莊麗懷宗語周后命侍公主宮人聞賊氛昌熾

數向近侍王承恩問之承恩曰若居深禁何問此且不他問而惟予數數也宮人曰惟居深禁故當預計惟公忠誠故和問耳承恩曰計將安出宮人曰設不幸惟有死要不可徒死耳承恩竊奇之有魏宮人者亦端麗年差長於費聞言曰卿計甚難吾則惟一死以申吾志耳及三月十九日李自成破都城周后及袁貴妃俱自縊帝召公主至曰爾何不幸生我家左袖揜面右手揮刃斫其臂遂登萬歲山壽皇亭自縊承恩從死時尙衣監何新趨入宮見公主仆地宮人哭於側相與救之而甦公主曰父皇賜我死何敢偷生宮人曰請以主服賜婢當誑賊以脫主乃令新負主匿國文第闖賊射承天門將入宮魏宮人大呼曰賊入大內萬難保全有志者早爲

計也奮身躍入御河須臾從死者三百餘人陸次雲費宮人傳略費宮

人時年十六投晉井賊鉤出之見其姿容爭相奪費氏給曰

我長公主也若不得無禮必告汝主羣賊擁之見自成自成

命內官審之非是賞部校羅賊羅攜出費氏復給曰我實天

潢之盾義難苟合惟將軍擇吉成禮死生惟命賊喜置酒極

歡費氏懷利刃俟賊醉斷其喉立死因自刎自成大驚令收

葬之明史紀事本末毛西河言宮人瀕死之時呼曰吾之不得殺自

成天也然亦足褫自成之魂矣鄭醒愚本傳書後長蘆知

鼠恣跳梁縹衣瓊笠升御牀齊姜宋子充後房殿前羅綺紛

成行費家弱息顏如玉獨倚龍泉向天哭英雄肝膽女兒身

荆卿聶政皆雌伏詭託天潢計未行元兇不合喪都城先教

狐兔橫尸泣足使豺狼破膽驚軼事沈淪二百載遺篇好向

稗官采天驚石破此蛾眉非徒間里增光彩碧瓦朱甍半畝
宮靈旗蕭瑟捲秋風莫將巾幗圖遺像魂魄歸來亦鬼雄
楊光儀費宮人故里歌思陵日冷冬青樹三十六宮不知處
刺虎偏饒烈士風阿農生小津沽住津沽東去接蓬瀛津沽

之北連幽并俠骨雄心出巾幗入宮遠見煙塵生龍髯墮地
 攀不得擬斬渠魁報君國督閃霜鋒斷賊喉瓊枝旋折燕支
 滴故園女伴感滄桑曾見鈿車入帝鄉機絲聲斷蓬門月寶
 蓋煙籠御案香帝鄉翻作干戈藪奇事驚傳泣阿母暮雨波
 寒楊柳津芳魂夜返桃花口桃花零落柳絲飄社宇年年恨
 未消輦路香塵埋碧血家山斷碣入風騷故國淪亡二百載
 夕陽門巷依稀在竭來賊又撲津門萬落千村鼓聲駭玉殞
 珠拋委劫塵頽垣廢井飛青燐翻嗟纖手難殺賊不似當年
 刺虎人君不見昭君村畔羣山繞曹娥江上月皎皎千秋勝
 蹟屬裘釵某水某山耐摻討可憐西苑玉鈞斜坏土埋香空
 蔓草 袁枚費宮人刺虎歌九殿夔夔鳴戰鼓萬朵花迎一
 隻虎女兒中有有心人詭說儂家是公主公主姿容世寡雙
 色能伏虎虎心降笑捋虎鬚向虎語洞房請解軍中裝一杯
 勸一杯沈沈虎竟醉刃此小於菟下報先皇帝紅燭千條撤
 帳光白虹一道沖天氣妾手纖纖軟玉枝事成不成未可知
 妾心耿耿精金鍊刺虎還如刺繡時一刀初刺虎猶縱三刀
 四刀虎不動帶血抽刀啼向天可惜大才還小用吁嗟乎城
 可傾山可平總是區區一點誠君不見滔天狂寇是誰斬霹
 憲不能美人敢 高璿瑣費宮人故里詩胸填義氣鬢揉
 藍強學兜央虎穴探頭血淋漓膏匕首至今片土壓燕南

青縣

吉占妻馬氏明岷府長史政之女正德七年兵變賊欲汗之

馬訢不絕口遂被害詔旌其門

康熙志

范秀

縣志同河間府舊志及康熙志皆作苑琇誤但觀下范寧為秀之子則是范非苑可知

妻張氏年

二十六秀故撫孤成立孝事翁姑苦節三十餘年治中有司

奏旌其門

府志

范秀子寧妻程氏

縣志同康熙志作楊氏

寧卒程年十九無子事姑張

氏盡孝節操聞於遐邇

府志

張珍女年十六未適人遭流賊突至被獲欲強之不從持刀

脅之女曰寧使吾身血賊劍不使賊子污吾身罵益厲賊怒

殺之

康熙志

詔旌其門曰烈女

府志

蔡恭妻蕭氏恭卒無嗣蕭年二十四節操凜然侍養舅姑殯

葬盡禮後以壽終

康熙志

姚淡妻李氏十五適淡十八而寡絕食數日復甦者三乃

勉事翁姑鬻奩治殮冬常服單日食數棗至七十二歲無疾

卒徐養量奏稿萬曆四十六年旌表縣志

姚同文妻蕭氏年二十二守節事翁姑孝敬兼至撫成二子

名列膠庠康熙志御史左光斗於天啟三年題請旌表縣志

姚濱妻孫氏縣志同府志作蕭氏當因上姚同文妻蕭氏之誤濱故孫育遺腹子撫

之以延宗祀奉文旌表康熙志

姚光表妻黃氏年二十四守節子命禹七歲黃自教讀入學

出仕侍奉舅姑四十餘年崇正間旌獎節孝

孫瓚縣志作贊妻朱氏夫亡朱年十六守節至七十三歲終以苦

節被旌

王可迪妻姚氏年二十三而寡子甫周晬姚養親教子艱苦

備嘗年八十終有司旌之俱同上

馬冲斗

縣志同康熙志作仲斗

女十六未字崇正己卯賊陷青强逼不

從鞭刃交加遂遇害

大清一統志

靜海縣

樊德華

康熙志府志縣志皆作得華

妻楊氏正德間流賊陷靜海被擄楊

怒罵賊以金帛誘之終不屈遂被殺尸僵立不仆

大清一統志賊

懼羅拜去邑人往視之手猶作指罵狀血忽湧出頭面如生

有司旌之

府志

王德風妻于氏夫死託舅姑於兄嫂號哭不食七日而死有

司旌其門

康熙志

弔以詩文者頗多至今傳誦

府志

齊公魯繼妻徐氏公魯元配卒於官誓不再娶父母憐之迎

徐送之任所成禮公魯重違親命又慄前盟悒悒而死徐扶

櫬歸里守節終焉壽八十迄今傳之曰徐老姐謂其終身處

子也康熙志

孫灝為嘉興令有二女長性默不諳人事次豐美穎慧問字者多舍長而及之女曰姊配乃配不然終身不嫁也竟同姊老於閨奉姊朝夕惟謹享年七十並葬於北郭外今其墓猶歸然存焉

陳恕妻楊氏男友文妻尙氏孫魁妻宮氏三代少寡貞節競標俱同上按臺方公觀察王公李公任公皆旌表其門府志

于嶺妻李氏康熙志盛年而寡守子子死弟欲嫁之誓死不二以澣衣易食沒齒不見色笑年七十終府志

李橘妻徐氏橘故徐年十九無出紡績度日苦節六十年壽八十被旌康熙志

胡繼芳妻李氏二十二歲芳故二子俱在孩提家貧養親撫

子年八十二終上同天啟間請旌縣志

高萬億妻邢氏年十七歸高生子如斗娶婦蕭氏如斗死蕭

時二十二歲守節養親育兩孤於襁褓未幾以哀瘁吐血死

邢氏撫育兩孫俱教之成名年八十五卒後以曾孫爾儼貴

俱贈一品夫人康熙志

宮論妻郭氏年二十五夫逝子甫三歲舅姑老邁而貧郭孝

親訓子後子繼孝以辛酉舉於鄉同上

陳尙賓妻胡氏因家難隨夫奉母往依徐州逆旅中孝敬備

至及賓卒胡年三十訓子有成孀居五十年闔學公舉旌獎

縣志

蕭汝重妻張氏適蕭三載夫故尊章年老子幼家貧親操機

杼以供甘旨姑寢疾臥起扶掖不少怠撫前二子如己山箐

燈蓄饘以課其工操履堅貞八十餘卒

康熙志

馬邦屏妻于氏年二十夫亡子幼姑老慈孝著聞郡邑旌之
李果妻劉氏二十一歲孀居家貧事舅姑生死盡禮訓子邦
奇入泮苦節閱五十年

于道一妻劉氏年二十二夫卒長子三歲次子一歲皆慈訓
有成邑令旌匾

閻浩妻李氏浩卒閻二十歲舅姑欲奪其志不從內供婦職
外課農桑策勵兒孫家聲克振八十五歲卒

張問仁妻胡氏問仁早卒胡食貧教子延祚補邑庠五十八
歲卒

鄭雲蛟妻劉氏二十五歲夫死無子守節至七十歲卒

劉一本妻楊氏天死紡績事舅姑訓子之奇食餼上官旌之

趙思恭妻劉氏少寡訓兩子成立糟糠無悔年六十五卒俱同

上知府馮公表之府志

滄州

李壽妻趙氏壽官忠義衛鎮撫宣德七年壽歿趙年四十無

子乃捐身從葬詔旌宜人府志

何昇妻李氏宣德初昇卒李年二十二子睦甫三歲植孤守

節成化五年旌康熙志

王建中妻楊氏年二十孤孀且貧守子品以針黹聊生年七

十歲卒

閔祐妻米氏正德六年六月寇至被獲欲汙之米大罵賊自

毀其面賊怒遂支解死

劉壑妻張氏壑故子欽甫六月張二十一歲堅志不移孀居

五十餘年

俱同上 案天津縣志亦載劉壑妻張氏府志則列在滄州今從府志

邢表女正德六年寇至女隨父夜奔會家莊賊獲女威劫之

女痛罵不屈賊怒攢殺之

康熙志

米守正妻李氏年二十二夫亡家貧撫子燦暨孫富夏俱游

庠同知州姬相旌其門曰貞節

州志

李應科妻孫氏三十而寡族人謀嫁之孫刺血誓神不為動苦節四十餘年撫眾子俱成立所居有雀蛇之祥人以為瑞

應

康熙志

王楓妻路氏楓亡氏年二十柏舟自矢撫子煥孫肇稷俱為庠生本州旌其門曰節慈長世

宋魯妻馮氏魯故子守志生甫六月鞠育辛勤歷三十年

馮士舉妻馬氏年二十七而寡家貧紡績自給撫孤小保成

立卒年七十六本州旌之

于家建妻李氏天故守遺腹子孀居四十年貞操彌勵

崔波妻劉氏二十二歲而寡子女俱無一貧如洗甘心苦節

紡績自贍居六十餘年以壽終

郭應鶚妻龐氏十七而寡得遺腹子堅貞撫養有司旌之

姚讓妻馬氏年二十夫故遺孤僅一齡勤績孝養教子延慶

舉於鄉萬厯間建坊旌表

劉謨妻張氏年二十夫故母老子幼浣漿縫紉度日誓無二

心萬厯間巡按湯兆京題旌

俱同上

陳衷壽妻劉氏年十六夫死立志守節養老撫孤極稱慈孝

齊之宸妻劉氏崇正十六年流寇破西安同媳謝氏姪孫媳

李氏俱縊死

康熙志 案州志之宸時官陝西 參議道其子名士岳姪孫名景堯

李庚之妻王氏崇正十一年土賊肆掠王時十九歲避難楊

家村賊入室欲刳之大罵被殺賊去父母欲易棺改葬及啟

視異香襲人顏色如生

康熙志

米炫妻許氏夫亡兩孤俱幼事親教子歷盡艱辛年七十餘

卒屢被旌表

同上

盧守義妻鄧氏年二十二夫患心疾自縊鄧悲號小殮畢至

夜半亦自縊

同上

王三宅妻史氏十九而寡子公弼生甫周歲矢志撫之暨公

弼成進士以節聞於朝奉旨建坊旌表終年八十三

府志

于化成妻王氏二十四歲堅志守節巡按馮元颺旌之

州志

州民有成妻王氏二十一歲寡立志守貞年臻上壽

同上

孟村女崇禎末盜掠滄州至孟村見女有色併其父母繫之

女不受汙則縛其父母炮烙呼號慘切命女從賊女請縱父母去乃從賊知其給已必使先從而後釋女遂奮擲批賊頰與父母俱死棄尸於野後賊與官兵格鬪馬至屍側避不前遂陷淖就擒女亦靈矣惜其名氏不可考

紀時灤陽銷夏錄

南皮縣

李資女許聘巨惠正德六年為流賊所逼罵不絕口遇害雖

極慘毒而抱璞自完年甫十九

康熙志

郝氏女寇亂被掠不從與李資女同時遇害

雍正志

劉瀾雍正志妻馬氏年二十二夫亡子棟相業儒孫翰光宦

作劉蘭

光力學強行皆馬之家教有素也

康熙志

年九十餘卒

縣志

黃塗妻周氏年二十一夫亡子良相甫周歲家貧紡績侍翁

姑以孝聞教子讀書充儒學生壽八十三

康熙志

吳茂才妻高氏茂才年二十九始娶高年甫十七執婦道惟

謹才邁痞疾不可藥婦進饋粥除糞溺年餘無怠意才自知

不起執婦手曰吾死命也願子早得佳偶以答子勞婦曰如

君言是二視妾也將隨君逝特先後間耳無何茂才卒殮葬

畢婦哀毀不食者累日父母百端溫諭且欲移其志陰受他

聘卜日將嫁矣婦知之謾應曰如命請得祭酒隻雞致辭於

亡者舅曰貧無以備請楮錢辦香曰亦無婦恐疑而阻之遂

往墓側哭盡哀少時人散乃脫足纏就墳樹縊死跪而向墓

面色如生康熙志事聞旌表雍正志建祠祀之縣志

劉奇康熙志妻鄭氏夫亡守節紡績安貧子文義未周歲撫

之成立後文義繼妻楊氏適半載而文義亡楊矢志同姑守

節撫前妻子廣教之讀為邑庠生稱一門雙節雍正志

湯楷妻劉氏年二十一夫亡無子女日夜哀號經旬不食姑

苦勸之始進七箸有議婚者即剪髮自誓更欲求死守志四

十餘年

康熙志

巡方使疏聞詔旌其門

縣志

張文秀妻王氏年未二旬夫亡守二子家貧歲荒炊煙屢斷

及翁姑歿無以為葬鬻一子以襄事苦節五十餘年

康熙志

劉呈芳妻趙氏年二十二夫亡無子女家貧甚日不再食紡

績以奉舅姑舅亡與姑相依夫弟欲嫁之礪刃自刎乃止夜

雨廬壞立水中達旦不就棲鄰宇姑亡亦即謝世清操二十

餘年

崔文俊妻黃氏年十八夫亡子僅周歲守節二十餘年乙酉

城破被執不從死之

白德崇妻穆氏為兵所執義不受辱投井死

俱同上案康熙志於崔文俊

妻白德崇妻既載前明
又入 國朝兩收重出

白養淳妻傅氏早寡撫四子一女艱苦萬狀遇兵變四子皆

歿無以自存長子作睿

康熙志作睿誤作肅

妻劉氏年甫二十指未周

歲兒慰之日白氏有此尙可爲也吾必不負姑於是矢志靡

他以苦節自任及園占寸土皆無晝夜紡織殆無暇晷積勞

成疾每至嘔血未敢告勞也後子學會中丙午科鄉試四子

詩禮諸書皆其口授

縣志

劉名卿妻馬氏兵變被執不屈死

雍正志 案康熙志以此下數人增入 國朝

崔岳妻黃氏遇害與馬同崇正甲申年事

劉鏞妻萬氏幼年守節遵翁遺命讓己產於夫弟待庶姑情

禮兼盡教子嚴而有體衣布茹素八十餘卒

穆茂春繼妻湯氏十四歸穆未半載夫選授縣令因前妻子

女當婚嫁期留湯在家經理相別五載嚴課諸子蜚聲藝苑
迨夫感疾致政歸來臥牀兩載日侍飲食湯藥無懈至夫亡
年二十二四子亦俱死窮苦無依守節五十餘年有司旌曰
瑤池冰雪

劉中葉妻黃氏年二十守節無子女孝姑終身

湯橋妻穆氏青年守節孝姑教子姑歿哭之喪明尋亦隨卒
趙恭妻劉氏孝事翁姑年二十四夫亡子瑞尙幼勵志守節
歷兵燹災荒無改壽八十二清操五十八年

胥光美妻葉氏十五適胥家頗富遭變中落夫死子幼餬口
無資困頓不堪父母勸令改醮不從以苦節卒

張美蘊妾劉氏夫病侍湯藥焚香告天願以身代夫歿子女
俱非已出苦節終身俱同上

謹案天津府志於穆茂春妻湯氏以下六人皆就請旌年

月載入

國朝今仍依雍正志列入明季

鹽山縣

韓思貴妻邊氏年二十五夫死誓不再適又思貴兄思遠妻

劉氏年二十六而寡俱守節不二洪武中旌表雙節康熙志

崔祥妻劉氏年十八而寡父母欲嫁之不奪後遺腹生一子

撫養成人苦節六十五年八十三卒同成化中旌表縣志

王憲妻李氏孀六月而憲卒時李年十九有遺腹舅姑欲嫁

之不從及彌月子生李撫養之終不二心康熙志

宋甫林妻馮氏年二十一宋亡子未周歲躬織紝操井臼事

舅姑撫幼子孀守四十一年卒

劉繼芳妻霍氏年二十繼芳死無子苦守不移年八十三卒

劉架妻李氏年十七架死無子舅姑憐欲嫁之不從苦守至

七十七歲終同嘉靖中旌表縣志

李茂德妻張氏其弟仁義妻孫氏又興祖妻張氏又希賢妻

陳氏昆弟皆早逝娣姒俱誓無二志茂德子勉學六歲孤興

祖子志學八歲孤希賢子敏學在腹而孤仁義無子甘紡織

同居終身子相繼成立人謂之一門四節康熙志

高渭妻朱氏年二十五渭故無子守義不變甘貧以養孀姑

立姪以繼夫嗣壽七十餘卒

張永錫妻朱氏張故朱年二十三兩子俱幼守志教育全節

終身後長子沂次子汝皆食餼

高大體妻張氏二十三歲夫故遺孤尙在襁褓孀居四十餘

年遭子不肖蕩家幾盡而冰操愈勵

王忠肅公鞠側室侯氏公爲都憲時張夫人置侯作妾逾歲方以告公公不納贈以金帛遣之返侯不復嫁公卒侯斬衰哭臨公男貶感其志留養如庶母禮竟以處女終身旣卒附公塋側

韓得禮妻高氏夫故年二十五家貧無子守志甘心撫夫弟成立妯娌同居雍睦無間俱同上秉性剛烈弟母事之壽至八十鄉里公舉萬厯間建坊旌表

縣志

楊宏妻趙氏宏卒五月生遺腹子時年二十二事姑撫孤備極艱苦後子又亡教育遺孫復得八泮年七十三卒

崔居州妾李氏年十八適崔八閱月而崔卒子女俱無矢志守節以壽終

賈從新妻霍氏

縣志霍作霍

歸新三載夫卒子女俱無甘心守志

親族罕見其面四十餘年如一日

賈天恭妻劉氏年十七適恭淡年恭逝誓不再醮七十歲卒
劉恒性妻張氏年二十九而寡撫二子曰讓曰慎讓早亡子
爲砥甫生四月慎復亡兩媳俱甘守節事姑盡孝撫孤爲砥
入泮一門三節

王守成妻劉氏夫故年二十四守節撫孤四十餘年被旌
張繼世繼室邢氏夫故年二十九課子格力學勤紡績以佐
之後補廩生

宋友妻許氏夫亡年二十六勤慎績紡教子成家

李遷桂妻邢氏夫故男繼元二歲撫育成入娶妻王氏繼元
復死遺一子小安姑婦堅心苦守織紉自給

劉自持妻張氏二十四歲夫亡遺腹子三益撫養備至織紉
佐讀子食廩餼守節四十餘年卒

劉喬齡妻霍氏齡故氏年二十四生子金鉅未彌月苦節堅
守紡績成家不以險夷二志四十餘年如一日

張鶴妻王氏二十六歲夫故子利蒙在襁褓堅貞自持撫育
教訓補邑庠生子又卒伶仃無倚凡歷艱辛五十餘年

俱同上

李守用妻于氏于歸後粉黛不施不輕言笑夫歿撫兩子騰
蛟騰龍成立于雖巾幗而擅勇力在室時有賊僧等八人率

眾闖入其村于戴氈笠登屋投甌石擊斃數賊始驚而散去

及至七十歲時值戚都督繼光東征過境兵借寓橫暴于毆
傷數人戚聞知笑而嘉獎之歎爲異人年八十餘猶健飯勝

常人萬曆二十九年含笑而逝

縣志

于廷陳妻朱氏夫任山西猗氏知縣崇正癸未冬殉闖賊之

難朱扶柩歸里攜側室趙氏葬夫教子勤儉睦嫻與趙氏苦

節同堅恪守禮法鄉里稱之同上年案府志以朱氏於康熙

則列於明

季較當

王文棟妻劉氏崇正己卯兵變攜女避地窖中兵搜得欲犯

之劉投地厲罵母女同被殺大清一統志

邵汝德妻霍氏崇正己卯被兵劫掠懼辱自經死遺子冲方

六齡後成進士人稱烈報不爽云康熙志

劉匯之妻孫氏崇正己卯被兵逼脅使乘馬氏投地厲罵立

死刃下同上

慶雲縣

陳俞妻賈氏正德六年兵變值舅病終家人挽之避痛哭日

舅尙未殮婦何惜一死身服斬衰不解兵至縱火迫之出罵

不絕口刃及身無完膚與舅尸同燼年二十五

明史

馬斯臧妻姜氏結襦甫三月斯臧卒欲從死不得會祭墓姑

令小姑與之偕姜給小姑曰燎紙用薪可往采之小姑行姜

遂縊於墓樹

大清一統志

時嘉靖三十二年三月也姜年十六邑

令羅汝賢聞之具牲醴弔於墓御史陳公省疏請坊表

縣志

杜時雍妻翟氏正德六年流賊楊虎破城翟年二十二抱子

罵賊不屈賊怒殺之

康熙志

邑令蔡維藩以聞表曰旌烈

縣志

陳宗禮次女妙存年十七正德六年流賊破城女遭擄罵賊

不從賊怒以刀刺死

康熙志

谷全妻鄭氏流賊破城被執大罵不絕賊怒碎尸而磔之死

尹世福女方笄有姿色已卯兵變挽之欲辱不從投甕石拒

之罵不絕口兵怒閉於室中縱火焚死

竇九曜妻秦氏曜被仇誣捕役執秦欲亂之抵死不從自持
刀刺心而死

王顯祿妻劉氏年二十遇賊將辱之不從罵賊被殺

王自復妻劉氏年十九遭寇變捉持上馬屢故墮地罵不絕

聲寇怒劈為數段

俱同上

邑令李申請旌表

縣志

劉泰妻張氏泰死張年十九哭誓守節織紡撫孤成人

康熙縣志

田襲妻趙氏襲死趙年二十孤四歲孝事翁姑守志不渝

縣志

胡敏學妻張氏學死撫孤守貞不二人無間言

楊

縣志失名

妻劉氏年二十二夫死紡績自給訓子朝用入庠邑

令杜爵旌其門

趙西妻朱氏二十三歲守節不渝撫孤趙寅補弟子員

石漁妻劉氏夫死年二十四撫一子一女備茹辛苦六十餘
卒

張希曾妻唐氏年十九而寡卸脂粉躬織紡屢經歉歲挈孤

流移年六十餘克完全節

俱同上

胡時禎妻劉氏年二十一夫亡矢志冰霜終年七十

康熙志

胡時化妻劉氏夫亡守節七十而終

胡時茂妻劉氏少嫠舅姑憐欲嫁之堅以守節自誓繼從子

為嗣孝慈兼盡年七十歲

俱同上

謹案府志胡氏三劉皆列前明與康熙志同雍正志則時

禎時化入前明時茂未載縣志又以時禎時化入前明而

時茂入

國朝茲仍從康熙志府志為定

李揚妻胡氏華年守志迄於蓋棺允推冰雪

康熙志

賈成吾妻于氏十九夫亡子書方五歲慈訓入泮

縣志

李伸

康熙志 伸作仲

妻秦氏二十四歲伸亡子女俱無紡績度日苦

節終身

同上

陳謨妻王氏

康熙志

二十二歲謨死事姑撫子守節終身

縣志

胡宇清妻張氏十八夫亡食貧矢志人稱貞節卒年六十四

府志

胡瑤妻張氏年二十夫亡孝親撫孤苦節終身

郭士秀妻張氏年二十秀亡苦節終身

郭士奇妻鄭氏年二十三奇死無子女無升斗儲紡績餬口

七十歲卒

胡宇陶妻李氏二十二歲寡子幼姑老仰事俯畜人稱節孝

俱同上 案府志又引慶雲續志云明季節婦有
王進祿妻李氏宗元妻某氏皆無事蹟僅存其名

王祚昌妻鄧氏年二十五昌亡無子鞠從子廷祿為嗣未幾

亡與祿妻李氏撫二弱孫矢志守節 縣志案廷祿即府志
所云進祿以其地在鄧

氏係內故忽
而未察耳

劉元輔妻宗氏元亡宗年二十子維藩方晬以孝事姑以慈

訓子維藩長補右學生宗年六十卒 縣志案此當即府志
所云宗元妻某氏蓋以

傳聞失實故連姓
與名而捏合耳

正定府

正定縣

周氏 縣志
闕名 夫死自縊殉葬詔旌其門 府志

李廷實妻馬氏廷實以國子生在京謁選病卒馬氏聞訃號

慟觸壁碎首而死 大清
一統志

李綸妻胡氏十九于歸未二年綸病篤胡知不起誓與同死
綸卒遂服毒家人覺而救解尋復飲藥死

同上

何毅妻施氏年二十一夫死子甫一歲慟欲自殺勺水不飲
姑知有孕力勸乃免後生子親戚憐其少諷之他適施曰夫
亡子幼高堂年老無依可適人乎遂奉舅姑以終至六十二

歲事聞旌表

康熙志

謹案一統志將此條載入定州蓋以施氏爲定州人耳當

從夫籍改正

崔朝妻劉氏朝卒劉年二十五生子世高甫八月誓不再嫁
教子成立孀居五十餘年撫按旌其門

府志

梁心妻吳氏心於萬曆二十四年忤礦使被逮羈囹圄中吳
年二十四飲慟鬻奩以給夫用躬勤績紡事孀姑倍謹及心

歿茹荼撫諸子家道窘迫五十年如一日各院屢旌其門

王慶妻張氏年二十三夫卒以死自誓清操訓子撫按旌之
苗通妻崔氏夫亡守節歷久不渝通弟梅亦早死弟婦張氏
貞操自矢奉詔並旌其門

賀容甫妻賈氏尙書應春女也十七歸賀二年而寡氏本宦
家而飲茹荼藥甘之如飴年八十三卒

梁世宦妻馮氏幼有志操通孝經內則諸書于歸三載生子
師孟逾月而世宦病篤顛天願以身代夫卒不起欲以身殉
姑力解之忍死而修婦道訓子慈嚴並至年六十餘被旌
何自新妻張氏二十三歲孀居年逾七十持家有法教子勤
嚴人謂冰操熊丸一身兼盡

左自友妻馬氏十八孀居誓不改適撫遺腹子年八十餘卒

趙樸妻馬氏樸卒其孀利其財逼令再嫁遂自刎以殉知縣
呂一奏爲傳墓表

梁思妻李氏禮科給事中冲奎女也識大義通文翰而儉約
無異寒素思早卒子維基方六歲躬勤操作門庭肅然事舅
姑孝養備至守節三十餘年至六十餘卒

王兆甯繼妻許氏二十而寡事姑盡孝撫前室遺孤鍾龐愛
與勞俱鳴機佐讀後以子貴受封荆布依然閨門之內和藹
尤至天啟中縣令旌其門

趙九經妻侯氏十八于歸家甚窶甫二年經卒采薪烹藿以
事孀姑數月遺腹產一男撫孤養老自食其力四十餘年

徐恭敬妻劉氏二十四歲夫亡遺孤延年尙在孩提誓死不
食者累日親戚多方勸慰以撫孤爲重數日始毅然爲門祚

之計後曾孫皆成名五代共爨皆氏詒謀之善也守節七十餘年享壽九十三歲臺使屢有題旌

楊德輔妻李氏中丞綵第四子婦也輔早亡遺子光顯甫三歲宦業蕭條李遂任艱苦誓以課子成名爲己責清操四十餘年及光顯入泮猶時以顯親揚名爲勗歷七十三年無倦計其德妻劉氏性端誠嫻靜奉姑孝謹其德爲父營葬卒於京邸劉聞死而復甦者數次妯娌競勸始進水漿子一孫一俱早卒撫兩幼孫女閉戶不出者三十餘年七十歲卒

黃明珍繼室周氏二十二歲夫卒遺前室子京俊尙幼氏有遺腹日夜悲號不食翁姑撫之曰兒亡膝下孤兒賴汝撫育若天祚吾家遺腹復生子大黃氏者將在汝矣且有吾在忍令汝失所乎周感泣矢志靡他及產果男也與姑同心鞠育

視前子無異己出俊能讀父書補諸生周苦節三十餘年鄉里皆稱賢母云

安皇祚妻崔氏嫁三年而祚故遺孤嘉運呱呱在抱姑老病奄奄在堂歷三十餘年子克立姑獲終皆崔孝慈之力也

吳銓妻李氏銓死屢空紡績易米以奉舅姑餘則買書訓子峩蔭後入邑庠苦節四十餘年

崔均妻王氏均與兄堦甫析居廬舍未定卽故氏撫周歲子三錫勤儉餘積四十餘年挾拓前業始而營創於北關故居輪奐一新旋遭兵燹又移城中卜築更壯人以爲女中丈夫董都妻蘇氏幼習女誡都卒母老子幼無親可依惟恃針黹紡織養姑育子三十年如一日直指使旌其門

張某妻王氏衍範女原籍河南崇正間入徐撫幕遂移家正

定範爲人奸貪無行雖以女許同里張氏子值中州寇變張子挈重貲依其家匪歲範侵蝕昧匿反逼退婚遂張於外女甫髻年憤懣不平潛遣侍媪遺張金令白之官張懼範慮爲所算竟逋他鄉女計無復之遂自縊甲申之變徐撫遇害賊黨首誅衍範暴其尸於市人以爲天報而女之貞烈始彰

梁維大妻崔氏年二十四柏舟自誓六十八歲卒撫按旌之

梁清宣妻馬氏十六于歸恪遵婦道會宣癘疾臥牀調護備至願以身代因憂瘁成疾夫歿拊心啼血粒米不進數日謂姑曰婦今愜所願矣語竟而瞑

王原膺妻梁氏事舅姑以孝聞姑歿事祖母尤謹撫前室女如己出崇正甲申隨夫寓京邸值逆闖西遁避難出城

俱同上

梁與其小姑名慶者奉祖姑許踉蹌至彰義門見婦女爲賊

驅以行梁曰彼非良家婦歟何被掠至此吾宜早自為計顧

語慶曰我死汝能從乎慶曰固所願視道旁有井梁曰清泉

皎潔得死所矣遂與姑拜辭祖母攜手投井死慶時年十二

許字賈氏未成婚人稱為雙烈

梁清遠雙烈傳

張輔妻王氏夫亡以守節卒事聞旌表

康熙志

董仲敏妻耿氏夫死以守節終

同上

燕雲妻趙氏守節終身

同上

馬應宗妻安氏吳九州妻張氏吳起鳳妻焦氏霍自孝妻黃

氏何其介妻譚氏高守謙妻王氏范宗淹妻盧氏張氏

府志案

縣志自馬應宗妻以下皆依舊志纂入事蹟不彰無從立傳

獲鹿縣

魏知節妻王氏知節與弟知簡知策俱以文名丁氏知策婦

也崇正戊寅邑有兵知節兄弟與父天貴協力守城救不至
二婦料城必破相約曰我等只辦一死耳越八日城陷天貴
及知節知策俱殉焉二婦大慟遂投井中兵去探出之丁巳
死王氣未絕救之得甦哭曰翁與夫歿何以生爲知簡曰弟
可奉以終天年乃還抵鄉幽居一室惟事紡績嘗曰未亡人
得附墓所畢矣年八十二卒

府志

張璽妻高氏早孤賴伯父母撫育及笄適璽二十而寡遺子
在抱伯父母迫之嫁誓不從伯父母怒使異居乃撫孤子安

淡泊卒與夫合葬

康熙志

楊憲妻鞏氏年十六適楊甫七月而夫卒父母欲嫁之不從
日如是何顏見夫於地下及彌月生遺腹子蕊其繼姑亦生
子汝清姑遂亡鞏並撫之茹辛四十餘年事聞旌表

楊汝清妻傅氏卽楊憲弟婦也年十九而夫亡撫遺腹子三

十餘年無怨志員外郎楊兆表為雙節同上

任鳳縣志府志同通志作任鳳儀妻高氏守節終身天啟元年卒縣志

高嘉賓妻崔氏苦節不渝孝慈兼盡天啟三年旌府志

曹時明妻孫氏青年苦守歷久逾堅奉敕旌表同上

崔裡妻傅氏崇正戊寅避難入城聞警傅謂長女曰孩幼可

無慮獨吾與汝宜自決計耳及城陷以幼兒託乳母又大呼

父者三遂先推女下井身繼之並死今有墓碑可考採訪冊

井陘縣

武邦衛妻畢氏康熙志通內則孝經大義歸武遺腹三月而衛

亡畢年二十四生子金李攀龍武家貧孤苦養葬舅姑盡脫

簪珥金後舉進士為太常卿畢年七十二卒府志

卷之四十四 列女四

齊蛟妻任氏幼嫻內則適蛟生子維康僅兩月蛟亡任年二
十四孝事舅姑存歿盡禮及維康娶婦未幾亦卒復撫遺孤

孫夔登萬厯巳酉賢書八十二歲卒

雍正志

李鳳妻姜氏青年勵節萬厯二年知縣鍾遐齡旌其門

府志

張世從妻彭氏

雍正志

守節終身萬厯二年旌表

府志

張騰漢妻高氏

雍正志

夫死截髮自誓守貞沒齒

府志

楊九經妻劉氏夫亡守節課子諤中隆慶庚午舉人萬厯六

年旌表建坊

雍正志

梁言妻田氏

雍正志

撫遺腹子一元名列膠庠

府志

仇三寵妻單氏守貞不移備嘗艱苦萬厯十六年旌表

雍正志

盧修業妻王氏夫亡守節冰霜自勵教諭張鳳鳴旌之

府志

李枝高妻杜氏

雍正志

貞孀完節本縣臺使皆旌之

府志

畢光生妻張氏十九守貞撫子棟食廩餼五十餘歲卒上同

王思義妻杜氏雍正志年二十六而寡遺孤盲於目未幾又亡

乃育其孫年六十九卒府志

梁萬妻尹氏雍正志柏舟永矢以節婦旌府志

李祥妻梁氏雍正志年二十夫死奉祖姑撫遺腹子各盡恩劬

勤苦五十餘年卒府志

王積順妻董氏年二十夫亡哀毀絕食三日而卒雍正志

郝印妻李氏苦節終身巡撫旌獎府志

王洪妻李氏雍正志苦節六十年撫一子五孫皆成立府志

許枝昌妻李氏雍正志年二十六夫亡守節潔行歸然府志

高門三烈婦暨二女闖寇之亂高克昌暨次子益謙死於賊

克昌妻仇氏與益謙妻梁氏攜一女並投井死克昌三子益

廣妻杜氏為賊所掠奪佩刀刺賊目賊怒殺之雍正志

許嗣復女六姐崇正末嗣復為潼關衛教授攜六姐隨任十

六年闖賊陷關嗣復殉節六姐被執大罵不絕撲跌而死葬

潼關南門外同上

楊名標妾劉氏雍正志年二十五夫死無子貞節自持撫嫡子

從學食餼年六十五卒府志

李冲斗妻趙氏冲斗被亂死於獲鹿趙往求遺骸鞠孤延祚

年逾七十餬口萬難卒無怨悔雍正志 縣志

高顯妻王氏雍正志年二十三夫亡極貧上奉八旬之姑下育

三歲之子孝慈兼盡知縣臺使俱給匾旌之縣志

阜平縣

劉志能妻王氏邨剛妻宋氏府志

謹案阜平縣志明季列女闕佚無傳府志雖采訪得此二人亦遺事蹟知湮沒者多矣

樂城縣

李大林

雍正志 府志縣志同明史作李大康熙志作李某

妻甄氏事姑孝姑壽九十

卒甄廬墓三年旦暮悲號

明史

洪武中旌表

大清一統志

趙旺妻王氏旺故王年十九遺子未周歲事姑甚孝姑歿親

屬欲奪其志不從撫孤守節以終

康熙志

趙文妻霍氏性嚴潔通文義四德自閑夫亡守貞以壽終

李庸

縣志避諱改寫

妻張氏青年夫故子方三歲誓守不渝子婦劉

氏夫亡亦敬姑貞守人稱一門雙節

俱同上

秦賓

府志縣志同康熙志雍正志賓皆作寶

妻馮氏年二十三賓亡馮剪髮以

誓生死相從乃孝親撫孤卒以節著

康熙志

其姑韓氏亦孀苦

終身時稱雙節嘉靖中旌表隆慶中兵備道賜絹米花紅親

至存問子孫以文章顯

縣志

孫士儀妻韓氏于歸六月而儀亡悲號成疾相繼而殞

康熙志

韓介妻王氏

同年

十八夫亡甘守貧苦撫遺孤入庠

府志

孫達道妻檀氏年十八夫亡撫孤守節終身嘉靖中旌

康熙志

王問妻韓氏年二十七夫故絕粒不食悲號喪明奉文旌表

郝雲漢妻韓氏

同年

二十寡貧不改節奉文賜米優恤

府志

韓應元妻武氏崇正戊寅城破自縊死

俞葉妻白氏十一年城陷投井死

王和瑞妻韓氏戊寅城陷投井死

鄭一鳳妻聶氏戊寅城破與夫同殉難

俱同上

王典妻

氏姓

戊寅城陷挾氏上馬故顛仆墜馬死

縣志

張克恭妻氏姓夫死守節事姑撫孤孫伯仁以孝慈聞崇正

十一年死於兵同上

張守成妻李氏戊寅之難遣子內志遁藏乃與孀女及婦魏

氏俱投井死同上

徐經妻沈氏吳性妻王氏馮大典妻徐氏俞賓妻陸氏馮獻

猷妻宋氏陳鏞妻張氏府志案此六人府志胥列明季而縣志則兼入國朝今從府志仍增

次明未

行唐縣

樊某妻蒲氏樊卒誓不再適時有山寇逼求為妻蒲投於崖

下水中死鄉人號曰義姜縣志作義蒲稱其水為玉女塘立祠祀

之大清一統志黃叔瑄玉女塘歌汪汪塘水清澈底照見貞魂此中委欲將巾帕扶綱常何妨身命同儼履齊眉

借老付空言良人化去妾韶年韶年無復花枝映盡卻釵細塵破鏡霜松雪竹表芬芳可使旁觀作話柄潢池一旦起紅

巾落花飛絮徒酸辛肯令失足汗賊手茈茈原是未亡人高山峩峩石齒齒下有深潭難俯視榮辱只分咫尺間那有片時容倚徙騰身一躍千丈強驚波儼起如銀滄軀雖不完節可保珠沈玉碎等尋常芙蓉裳荷蓋文魚騰江妃水仙爭迎訊馮夸擊鼓舞蛟龍伊人宛在水晶宮至今不宿鴛鴦鳥長笛灝氣吟悲風野夫指點欣稱道此事何容傳者少炫服疑妝儀像新忍非玉女心所好歌謠願得攝人寰留得香名覺懣頑雲影天光常不染年年惟有野棠殷

謹案雍正志將此條列在元朝而一統志府縣志皆列入

明今從之

李整妻陳氏十九歸整性端肅執婦道夫死不嫁織維以養

舅姑終其身無怨焉

康熙志

王小六妻楊氏十七于歸生子未周而夫死撫養遺孤長使

就學辛劬五十餘年

同上

韓來召妻賈氏年少天死撫孤子鑑勤於農桑年七十餘卒

臺使疊旌之

府志

張五倫妻王氏年二十而夫死教子入學年六十卒康熙志

康光澄妻孫氏二十而寡撫兩孤及成又相繼死因悲泣成

疾數月遂卒同上

顧民玉妻張氏年二十二夫死撫孤甘貧孝事舅姑和睦妯

娒年逾六十雖至親者不輕一見同上案此條下載有羅

曲陽縣人應入
曲陽此宜刪

張奇瑾妻陳氏侍瑾疾親嘗矢溺曲盡艱辛及夫病篤遂托

空房沐髮自縊先夫三日死

周時雨妻劉氏周霖雨妻梁氏副室李氏李氏穆氏周甘雨

妻梁氏周膏雨妻楊氏甘雨子瑄妻梁氏連妻孫氏孫良輔

妻梁氏俱於崇正十一年隨夫守城殉難並死康熙志

靈壽縣

張某妻氏姓二十歲而夫歿妾有一子方穉裸婦守志不移

教其子官至明府康熙志 高啟張節婦詩誰言妾有夫中路棄妾身先殂誰言妾無子側室生兒與

夫似兒讀書妾辟纒空房夜夜聞啼鳥兒能成名妾不嫁良人瞑目黃泉下

史政妻孫氏年二十四政卒二子方孩貞一自守至老無間

知縣冀貴以事聞被旌府志

謹案康熙志雍正志有史正妻孫氏又皮政妻孫氏皆重

出論寫

李慶妻賈氏嫁四載而慶亡子方一歲事姑撫孤躬自操作

事聞詔旌其門康熙志

張能妻王氏舅姑歿相夫營葬祭皆合禮及能卒無子有弟

鸞方三歲氏甘勤苦撫成人為鸞娶妻馬氏宏治元年知縣

張徽以事聞旌表府志

張時妻貢氏小字金盒十八適張越五年夫卒遺腹生子貢

哀毀守節操織奉親祭葬以禮年五十六卒事聞詔旌康熙志

鄭晉縣志同康熙雍正志晉皆作進妻趙氏年二十五晉卒家貧有欲奪其

志者以飢死慌之趙曰節義人之大閑不可以廢我已未

亡人死固其分也鶉衣糲食四十年如一日府志

王某妻趙氏縣志事蹟失傳惟舊縣志有詩褒之曰君子歿

己久大義堅自持泰山或可移此心終不渝寒

火孤燈夜聯衣教子時令女一生事共姜百世師清風吹里

開明月照惇嫠卓行聞睿聰天使來丹書旌表節婦坊光彩

耀門楣想應更嫁者一見也沈思

鄭重妻尹氏二十一歲夫卒甘貧守節撫孤入庠年九十餘

無疾終旌表康熙志

李鏞妻鄭氏夫亡氏年十九守節同無子貧不聊生以死自

誓為人浣綴得貲以給每數日不食心寡如也鄰里揭舉貞

節臺使旌之

府志

郝舉妻宋氏生子璽數月而舉亡宋年二十二苦守甘貧日樵采夜紡績居陋室中璽至中年又卒宋撫孫男女八人備

厯窘况年八十餘以壽終

康熙志府志

李應魁妻貢氏二十五歲夫亡無子上有瞽姑貧寒殊甚婦縫績洗濯得貲以養終身不懈按院余給匾旌之

康思順妻楊氏年十八夫故遺子嬰媿貧不自給歸依其父撫孤入泮以壽終直指給匾旌其門

李世德妻劉氏夫故時年二十二孝舅姑撫孤子砥節守貞終無改志監司直指前後旌之

同上

苗來妻楊氏二十六歲夫亡遺一子支體不完家日窘惟勤力作以爲生娶婦周氏生孫子復亡周方二十歲守志亦如

姑兵備道李按院余皆旌之

府志

胡從明妻張氏年二十而夫亡子女俱無一貧如洗苦節終身鄉里難之

方應昌妻趙氏嫁一年而昌卒家貧無子乃撫幼姪爲嗣紡織度日終無悔志萬曆三年直指余爲文獎之

白濂妻劉氏適三載而濂故氏年二十一茹貧死守孝舅姑撫幼子入庠聞於縣旌之

張煜妻陳氏煜早歿子國土方幼或勸之嫁曰家貧如此孩幼如此守無益也婦不應國士稍長卽遣就學紡織補紉以佐束脩後國士登進士仕至湖廣布政司叅政事聞敕建坊焉

董守禮妻崔氏禮早故崔以貞節自矢終身無異巡按旌之

侯永壽妻鄭氏守節五十年鄰婦罕見其面臺使旌之

馬士望妻趙氏年十九而寡遺腹生子國琳勵志守貞歷兵

燹蹈艱危出萬死一生之中而完節不渝年且九十躬撫七

孫猶親紡織之勞按院周堪賡衛貞固兩旌其門

俱同上

馬士昌妻鄭氏介愍公從聘之冢婦也崇正戊寅遭兵難介

愍公殉難鄭亦殉翁死事聞贈淑人附祀介愍祠側

康熙志

馬從龍妻張氏戊寅城陷投井死

馬國琳妻傅氏事孀姑能盡婦道戊寅城陷以幼子託姑密

縫上下衣投園井死

馬國璋妻傅氏夫早歿撫子女守節戊寅城陷攜女坤姐投

井死

馬國璞妻王氏聞城陷託幼子於鄰媪投井死踰月始得尸

面如生叅政張國士爲作傳

馬國璫妻傅氏戊寅城陷投井死俱同上

馬國璫妻貢氏城陷自經不死奪兵佩刀自殺大清一統志

馬國玠妻李氏馬國璫妻齊氏馬國玲妻雷氏俱於戊寅城

陷相挽投井死康熙志

徐來朝妻范氏妾姚氏戊寅兵變范偕姚攜幼子桂榮及幼

女俱投井死

李時昇妻馬氏戊寅城陷投井死俱同上

白某妻彭氏戊寅之難夫婦偕逃遇兵盤馬彎弧滿引擬白

婦以身蔽之代白受箭中左頰貫右頰出仆地不能起兵乃

殺白婦復甦撫幼子守節三十年子梅補邑弟子員府志

傅永清繼妻富氏永清封宣威將軍甲申三月流賊偽令郭

廉至縣恣暴橫遠近皆逃避富與子婦輩匿山中聞京師失

守痛哭不食入山洞自經死

大清一統志

傅永瀝妻白氏戊寅之難永瀝死焉遺腹生子維禪甘貧撫

孤四十餘年無變志

府志

傅永瀝妻劉氏甲申之亂逆闖偽令郭廉至邑人憤擊之瀝

與焉為賊收繫不知所終劉砥志完貞者四十年

同上

平山縣

胡鯉妻蓋氏年二十一夫疾篤以養老親鞠幼子為屬蓋泣

諾之及鯉死父母憐其少寡欲令改適蓋曰吾已許亡人終

守安忍背也後訓子成名翁姑年八十餘色養無間鄉人賢

之嘉靖戊申表其宅

康熙志

盧王妻傅氏

府志事蹟無著

劉忠妻孫氏年十九喪夫遺孤周歲夫兄謀奪其志氏憤不欲生舅姑覺而慰曰吾二老在若有主矣毋過慮時婦已不食五日聞言始稍進粥自後立志彌篤避嫌愈嚴雖三尺童弗親授受年至九十卒嘉靖戊申旌之

康熙志
府志

王弼妻霍氏年二十二夫死無子守節終身嘉靖戊申旌表
王時蘭妻康氏弱歲夫亡礪節存孤飛聲翼序建坊旌表上
賈府妻解氏年二十一夫故姑奪其志不從撫孤以明經出仕奉敕旌表

王岳妻何氏青孀孤幼遂謝親戚往來竭力事姑孝慈畢世
王守性妻商氏弱息孀居婦職母儀兩無虧玷

李蘇妻蓋氏夫故數日不食守節三十餘年有司申請給旌
王貢妻左氏夫亡撫孤守志不二奉旨建坊

楊應期妻何氏于歸一載夫亡無兄弟有遺腹生一子煢煢
隻立孝事繼姑慎持門戶三十餘年教子讀書成名請旌

郭四方妻王氏孀居數十年孝事翁姑以甥爲嗣教之入泮
張仲選妻商氏夫故無子一女纔月餘誓不更適缺嗣甘守
貧苦不移御史傅某匾其門

王一民妻任氏侍奉舅姑謹執婦道夫亡苦志全貞三十餘
歲訓子讓登鄉薦幼姪某亦賴提挈成人事聞詔旌其門

何國選妻崔氏夫亡孝事姑嫜甘心淡薄訓子食餼御史傅
某給匾旌之

郝雲漢妻韓氏少寡守節終身卒

李一芳妻康氏芳病四年調護無懈及卒撫孤養親先意承
志巡察旌之

張翼妻崔氏歸三載翼亡惟勤紡績爲仰事俯育計臺使者嘉之爲請旌

郝進表妻武氏夫亡家貧如洗苦節三十餘年子傭母織知縣苗峩然申請旌表

康國彥妻王氏夫故家徒四壁鳴機教子直指旌之

商家祥妻韓氏年二十四夫亡紡績以事老姑勤儉以供子讀少年游庠直指匾旌其門

梁文炳妻郝氏年二十五喪夫鞠幼子事孀姑備嘗艱苦

楊淋妻李氏年二十三夫亡無嗣翁姑亦歿止遺夫弟三歲李撫養成入爲延門祚臺使褒之

何呈圖妻李氏二十三歲夫亡事七十寡姑得終天年訓子

成江弱冠游庠勵節三十餘年卒

俱同上

元氏縣

扈彬妻趙氏洪武三十五年避兵於太行岩穴間為軍卒曳

出驅迫至岸趙曰吾有死義不受辱即投崖而死眾驚歎悉

捨所掠人口而去保全數百人大清一統志正統十一年詔旌其

門曰貞烈子遷後任鳳翔知府府志

耿志明妻董氏孀守八載夫兄圖併貲產因與氏隙謀逼之

嫁枉訟於官本縣令誣信之董迫急詣夫墓痛哭毅然自刎

諸人驚視喉已斷矣事聞兩院下有司以禮祭葬同上

耿習讓女許字石教民未嫁崇正六年時十七歲流賊劫以

上馬自投而墜者三賊怒殺之大清一統志

曹貴中女年十四歲未字崇正六年秋遇流賊亂投井死府志

張好仁女年十五歲未字崇正六年秋遇流賊強擄不從罵

不絕口以頸就刀遂被害

同上

高笏妻閻氏年二十二崇正戊寅冬爲亂兵所劫閻以頭觸石流血被面不肯行復以刀脅之閻憤哭大罵遂遇害

同上

賈邦柱妻邵氏年二十四夫亡時流寇至黃家營邵投枯井寇見其姿呼出免死邵堅不出且痛罵之寇怒投火井中焚之骨肉皆燼事聞奉旌

府志

張宗岱妻魏氏少年夫亡撫孤成名守節終身八旬無怠

周彥約妻智氏十八于歸十九生子未彌月彥約行商遼陽七年始回居未半載復去越十五年無耗生死難知而智則督耕課織勤儉持家五十餘年無懈其子痛父客死念母劬勞欲請旌以報智聞汪然出涕曰婦人爲夫守身止完本分有何異行敢煩上官豈借以邀名耶言畢大哭尋卒

魏平妻袁氏年二十六夫亡孝事舅姑勤撫三子皆卒業成均仕有聲譽孀守五十五載壽八十而卒

黃天文妻李氏夫亡子未爾月苦撫游庠貞孀五十年卒

高甲妻魏氏年二十一夫亡子幼孝親撫孤終身無玷

何起鳳妻石氏年二十餘崇正戊寅冬流寇逼犯擄氏強行遂投於井寇爲引出復投於井再撈則氣絕矣

張三聘妻王氏事蹟無傳其神牌後書云生於隆慶六年卒於順治六年有贊語云治家有道教子有方褒封貞節飭紀

振綱俱同上

贊皇縣

溫尙善妻鄭氏年十七夫死盡孝盡慈以畢世事聞旌之府志

張廷女字冬香甫及笄里中少年以言挑之艷然怒罵憤不

能食越日縊死巡按御史姜爲立碑紀其事

府志

安國常妻姜氏年二紀守節以終天啟二年旌有祠在鎮城

韓日升妻安氏夫以義死安守志彌堅事聞建坊以旌

趙秉直妻王氏十八而寡善事舅姑御史聞而旌之

鄭舉妻白氏年二紀夫死居貧無子苦守終身

任必榮妻時氏苦節多年而卒有司助銀爲治喪焉

馬藻妻趙氏夫婦悉以孝聞夫死氏孝益篤居貧辟纊餽粥

溫清無少懈姑壽九十有四人以崔氏乳母比之

任宏道妻魯氏韶年喪夫黃鵠矢志御史爲旌其門

吳魏妻商氏二十二歲守節沒齒無怨御史旌之

于紹宗母馮氏節壽雙高建坊以表

王樊妻汪氏二十五歲守節孝事舅姑克盡婦道

安北宅妻李氏年十八守節撫姪爲後事親盡心御史旌之
高名儒妻楊氏值歲饑羣盜夜劫其家見楊欲擄以行楊大
罵不輟旣死尸猶作怒色攻人之狀俱同上

胡熙妻郭氏善容爲窈值流寇至爲所執欲汙之郭正色怒
罵且擊賊中目賊乃磔殺之大清一統志

武觀光妻安氏年二十夫死無出惟翁妾有遺腹子氏指天
日誓撫叔以延武後貧婁而卒府志

韓日照妻董氏青年矢節終事舅姑事聞被旌

劉體厚妻鄭氏年十七夫故母欲奪其志剪髮自誓與母絕
往來學使祿聞而旌之

閻調梅妻秦氏夫死非命秦號哭不食日生爲閻氏妻死爲
閻氏鬼至夜縊死

劉綬妻趙氏年二十八守節至老不渝御史表其閭

吳繼妻武氏值兵叛被執欲強汙之武力拒痛罵兵怒以刀
剗其面捶折其手死而復甦及愈面滿刀痕手不能持物其

夫憎之若鬼而武無少怨焉

俱同上

晉州

呂敬妻陳氏年二十二夫卒守志雖親族慶弔亦不與或強

之曰我孀居也且無子自當避嫌惟謹女功而已不踰閭者

六十年八十餘歲卒宏治四年郡守具聞

府志

紀姜女年十六歲正德六年流賊掠其家欲汙之不從又脅

之以刃罵益奮賊怒遂支解而死

大清一統志

及葬脫膚支節散

亂以麻束而殮焉

府志

谷嘉訓妻郭氏年十九適谷兩載而寡無子姑欲嫁之與其

父母同勸執不從有頃治香紙哭於夫墓歸家自縊死康熙志

張渠妻王氏年二十七渠亡屢求自盡皆以救免翁諭曰爾

有孤在可共爾夫逝耶王感悟遂謹修婦道秉禮持躬撫子

成立壽八十終府志

蔣志道妻賀氏夫病故賀四日不食柩側縊死同上

周蘭妻焦氏劉永祐妻張氏王瓚妻張氏楊英妻高氏韓利

妻姚氏劉璽妻呂氏蔣德妻馮氏高儀妻李氏張稷妻吳氏

州志

謹案以上九人均被旌州志無傳州志並載張舉妻陳氏

應入新樂縣志此宜刪

盧瓚妻馬氏十九喪夫艱苦備至教子入仕年八十九卒萬

曆元年建坊旌表府志

秘良翰妻尹氏年二十一夫逝遺子在抱躬自教育游庠又
不幸卒謂媳張氏曰吾忍死三十年今復罹此苦汝當繼我
志張泣從之姑婦同處一室守節七十年九十一歲卒

王椿妻龐氏年二十四而寡子女俱幼家綦貧夫弟欲奪其
志乃以死自誓兒女俱婚嫁畢卒年七十五

劉密妻石氏年十八守節終身知州旌之

張燮妻紀氏夫卒於官氏扶輿歸葬守節天啟七年旌

俱同上

無極縣

李某妻甄氏洪武初李亡母老子幼甄事姑至孝服勞養志
及姑亡負土成墳廬於墓側事聞詔旌其門

康熙志

張淮妻盧氏正德三年淮亡無嗣二女方在襁褓舅姑令其
別適泣曰翁家世清白婦之父母擇而歸焉今夫不幸婦豈

有異志乃憐而聽之卒以疾殉

康良惠妻李氏嘉靖元年夫亡撫遺腹子一厚仕爲縣令守節三十五年壽六十五而終

劉繼聰妻崔氏聰亡撫子廷祥成立守節五十年卒

梁睿妻康氏睿亡康慟幾絕撫三子俱成守節四十六年

劉盛妻翟氏盛亡撫妾子夢皋成立後皋亦亡遺孫訓翟復育之苦節四十年而歿

楊文通妻梁氏年二十三通亡遺子大成方三歲撫訓游庠成又亡遺孫貞梁復鞠焉壽至九十一歲守節六十八年

史翰妻高氏十八歲夫亡遺子甫四月撫教成名有司旌之

郝子春妻趙氏二十七歲夫亡遺子尙幼貧寒無依就養母

家讀書入泮貞守以終

俱同上

何嘉賓妻趙氏二十五歲賓故子東陽方二齡孝敬公姑以

苦節靖家難而子又殂復鞠成三孫至八十餘歲卒俱同上

嚴惟清妻郝氏康熙志二十二歲夫故翁老幼孤堅貞自守年

八十終縣令匾旌其門府志

安如山妻徐氏康熙志年二十二山亡遺孤四歲山弟如石妻

周氏亦二十一而寡無子皆誓不嫁同撫山子時翁已九十

六歲動履不支供爨慰問侍疾送終皆能盡禮府志

賈三畏妻楊氏康熙志二十四歲夫亡遺孤三歲甘貧苦節紡

績養姑事聞旌表府志

朱門谷氏住北蘇堡縣志無傳

劉思敬妻陳氏康熙志二十五歲敬故遺三幼子俱令從師讀

書季子朝元食餼府志

劉應朝妻趙氏康熙志早寡翁病癱瘓竭力終養教訓子女二

男俱食廩女遺少孤亦藉趙訓入學年六十七卒府志

魏夏妻楊氏康熙志夏貧無立錐典傭度日及歿楊年方十九

子女無遺族黨無倚惟以紡績自給六十一年無怨悔府志

李文煥妻王氏性至孝憫父無嗣奉養三十餘年及歿一應

喪具皆氏備相天訓子一女適魏有仁值兵變王謂女曰我

等婦人宜善自全遂投井死女亦抱甄投井相繼死康熙志

李進祿妻孟氏寡居事親家產悉讓夫兄以節孝著同上

陳侯周妻岳氏年十九而周故撫遺腹子孝養舅姑以終府志

成賢進妻郝氏十八孀守撫姪為嗣以紹書香六十餘歲卒

楊久昌妻王氏早寡孝敬公姑教子從學始終不二

李象坤妻劉氏年二十五而寡子穉家貧織以佐讀孝事繼

姑持家雍睦

鄭至善妻馬氏年十八夫故忍飢耐寒撫孤延嗣以完其貞
劉肇基妻朱氏早寡姑亡子歿家無子遺厯苦節者五十年
趙煥妻祖氏年二十三守節撫幼子事孀姑終身無怠

魏至高妻董氏年二十寡而貧且繼嗣卒以節顯其慈

賈懷敬妻鄭氏夫亡守節孝親恤孤年七十餘卒

俱同上

藁城縣

王聚倉妻趙氏幼有志行正德六年爲流賊所劫欲犯之趙
曰我良家婦賊狗奴敢辱我賊脅之以刃罵愈厲乃割其左
右耳復以火炙之趙罵不絕口羣賊亂劈而死

大清一統志

石麟繼室徐氏麟任廣東教諭正統初卒於官徐年二十四
踰三月生子玉前妻子璽方五歲徐攜一孤扶觀歸葬養舅

姑甚謹躬紡績教二子勤學承父志後玉登進士官御史成

化二年詔旌其門

同上

曹敬妻樊氏曹任杞縣卒於官三日目不瞑氏斷髮靈前誓

與同死而後瞑及扶柩回家淚枯泣血死而復甦者數四又

投於河為援者救活親黨苦勸始葬夫奉祀勞苦以終其志

嘉靖三年旌

康熙志

郭附妻曹氏適附二年而夫卒貧甚舅姑欲嫁之曹翦髮以

拒越三月生子乃紡績養親嚴訓孤幼成名歷六十餘年

府志

李忠妻胡氏年二十四忠亡胡撫孤以節自誓家甚窶以紉

績聊生或勸他適輒怒詈卒年八十六鄉黨醵金葬之

康熙志

楊廣妻趙氏性貞介廣卒趙年三十子方周歲家素貧至是

愈窘乃竟撫孤服苦持以終身七十九歲卒

李世通妻董氏性端重寡言年二十六夫死無子有三女俱未嫁董痛絕者再戚屬諫以幼女無依乃躬親織紉皆擇名族而字之守節四十五年卒

周尙禮妻李氏年二十八夫死子傅與一女俱幼李抱孤悲號鄰皆隕涕杜門自守至親亦罕往來守貞五十餘年八十

七歲卒

俱同上

新樂縣

韓太初妻劉氏洪武初太初任和州挈家行母甯氏至南和仆地傷腰劉刺血和藥以進再病再愈抵和州太初卒劉種蔬給姑食越二年姑患風疾不能起劉奉湯藥驅蚊蠅不離側姑體腐蛆生席間爲齧蛆不復生及姑疾篤割肉以食姑復甦踰月而卒殯之舍側欲歸合葬於舅墓哀號五載不能

得太祖聞之召至京師令入後宮使太后妃嬪觀焉賜衣一

襲鈔二十錠命有司還其喪旌門閭免徭役

明史兼采
大清一統志

王景妻秦氏年十九景卒哀痛幾絕育遺腹子守節五十八

載冰操凜然成化七年旌其門

康熙志

傅剛妻默氏同府成化元年剛卒默年二十子通三歲守孤持

節孝親終身

府志

張舉妻陳氏

康熙志

成化九年舉卒陳年十九子達二歲家貧

甚躬勤紡績事親育孤以苦節卒

府志

李昌齡繼室王氏夫疾祈神願以身代及夫歿守貞自矢勤

儉持家義方訓子昌齡後祀鄉賢皆李所贊襄也

縣志

李濟美妻杜氏性端靜不苟言笑事姑孝知大體七年夫卒

撫孤守貞柏舟無愧

陶恂妻史氏艱苦守節天啟五年建坊旌表俱同上

苗洪妻張氏真定府人夫亡彭奈妻趙氏真定府人夫亡守節終身王禎

妻趙氏真定府人夫亡守節終身商克宅妻孫氏真定府人夫故以節終身王三極妻

張氏真定府人夫亡氏年二十三歲遺二子長三歲次方兩月氏甘貧守節晝夜紡績撫其子俱成立孀居五十餘

年壽八十宋楨妻蘇氏真定府人夫卒時氏年二十二子歙甫十而卒生撫之成立娶張氏生子堯易而歙亦

卒時張年甫二十姑婦孀居孤苦伶仃相繼不渝李誠妻張

蘇壽七十三卒張壽七十八卒奉旨旌表雙節真定府人潮故時氏

氏真定府人夫亡氏年二十事姑撫幼子成立守節五十

餘年卒被旌表王聰妻程氏真定府人夫故氏年十九撫遺節至七十五歲卒孤成立事舅姑以孝聞苦守貞

謹案以上九人未詳何縣惟依康熙志原文備列府屬之

未以備稽考